

河南府 卷之百十

金石志六

金石六

永寧

新安

澠池

嵩縣

西京碑附

倉頡陽虛山石刻

金石古文

按河圖玉板云倉頡為帝南

巡登陽虛之山臨于元扈洛汭之水靈龜負書丹甲青文以授之文捉二十八字景刻于陽虛之石室李斯止識八字曰上天垂命皇辟迭王今已不可尋矣

按升菴云為帝南巡作一句為音去聲言奉黃帝命而代之南巡也亦言黃帝史臣羅莘路史注引河圖玉板靈龜負書以授帝謂倉頡也又通志金石略倉頡石室記有二十八字在倉頡北海墓中土人呼為藏書室周時自無人識逮秦李斯始識入字漢叔孫通識十二字任昉云周人不能辨而斯通識之予不敢信攷二句乃

寇謙所纂黑帝安和國主禁文也據此則或謂永寧陽虛或謂北海墓下皆可存而不論矣

晉石嶠北山石銘佚方輿紀要水經注嶠有盤嶠石嶠千嶠

之山所謂嶠有二陵則石嶠之山也自漢以前率多由此

曹公西侵巴漢惡南道之險更開北山高道山側附路有

石銘云晉太康三年宏農太守梁柳修復舊道大嶠以東

西嶠以西明非一嶠也

唐左散騎常侍王質神道碑金石攷開成二年劉禹錫撰

碑云墓河南府永寧縣洛川鄉史原從舊阡也

金竹林禪院記金石攷正大庚辰元好問撰記云竹林三

在永寧之白馬原

元轉運使薛公神道碑存金石攷程鉅夫撰在王范鎮北山

文暢

元幽巖禪師碑金石志在永寧縣

元洛西書院記金石攷至元元年程鉅夫撰以上永寧

魏母邱興盛墓二碑佚水經注穀水東逕魏將作大匠母邱

興盛墓南二碑存焉儉父也

隋上柱國韓擒虎碑佚集古錄韓擒虎碑不著書撰人姓氏

而以隋高祖為今上乃隋人所撰碑文屢有虎字獨於各

下去之若避唐諱此不可知也金石錄韓擒虎碑開皇

十五年十月通志金石略同

河南府志 卷之二十一 金石志 二 金石六

按歐陽以韓擒虎碑為隋人撰因碑中以隋高祖為今
上知之則歐所見碑固無開皇年號也金石錄金石略
俱載韓擒虎碑開皇十五年當與歐所見非一碑金石
攷以集古錄所言為廟碑而趙鄭所列別為墓碑可知

唐處士張海仙誌畧

金石攷天歷八年令狐士宗撰

唐新安令元瓘頌德碑

金石攷王筠撰

五代漢清河郡太君誌銘

金石攷乾祐三年王德成撰

宋壽昌縣君誌銘

金石攷紹聖二年王瑜撰邑志錢宣靖

公祠久圯明嘉靖間御史宋儀望重修掘土得石為壽昌

縣君高氏誌高為殿中丞錢緯配緯為宣靖公之孫今新

安無錢氏高誌當在蘇州云云按誌載夫人墓河南新安

縣新鄉夷子里暖泉村祔殿中君之塋則在新安明矣

宋萬歲蟾蜍記

金石攷政和二年記云龍澗之津蟾蜍背

生芝草長三寸許凡廿五葉葉間復有異草蒙茸蒼翠歲

寒不凋樹碑慕容山下

金威顯廟記

金石攷明昌二年馮肅撰并書

元新安尉閻從遺愛碑

金石攷北山樵隱何文淵撰

元爛柯山鐵斧詩

金石攷大德四年張仲壽題并書

元洞真觀碑

金石攷至大二年張仲壽撰并書

明創修甌城記

金石攷萬歷四十六年呂維祺撰

明呂忠節公神道碑

金石攷吳偉業撰以上新安

唐鴻慶寺碑

金石攷聖歷元年又一碑未詳何代

接澠池今搨本有武后時斷碑二日作②天作派金石
攷所謂又一碑者未有儀像堂字碑下題名橫連數齋
字數供養字疑卽金石錄所謂造像碑也造像
碑乃中宗神龍元年其時猶用武后所造字耳

唐澠池縣宗人爲高宗造像碑存金石錄邵昞撰正書無姓

名中宗神龍元年五月

唐澠池縣復南館記佚通志金石略盧元卿隸書元和十四

年

宋小龍門碑記金石攷至和元年徐無黨撰

宋澠池新溝記佚金石攷趙瞻撰

金壽聖院珍公和尚塔銘金石攷大定二十四年沙門孝

小師撰李興益書

元解院寺碑記 存 金石攷 至元二年沙門福書

按碑稱勸請鳳林珪公長老復任韶山十方雲門禪寺為國焚修祝延聖壽萬安者後年月餘空心無字印末書官名先卑後尊與登封承天宮同姓下各鈐小印不書各蓋元時制多如此并摹諸印倍攷

景五 李重 陳一 王五 答海忽都魯邁

童五 韓五 别帖出頭 此印模糊不全

元昭濟侯猷殿舞序記 存 金石攷 至元三年雷豫撰并書

按昭濟侯碑即雷公廟碑碑署至大三年立金石攷作至元二年又别列雷公廟碑為至大二年并誤碑額作陽文碑末題名浞池縣主簿王醜女子亦可異

元天壇紫微廟二碑 存 金石攷 一至元七年薛元撰一大德

元年劉偉撰趙守玉書

元興國觀碑存 金石攷 大德五年 馬光國撰道士完顏王正

一書

元飛騎尉洛陽男楊君世慶碑 金石攷 元統三年 李木魯

狎撰夔夔書張起巖篆額

元寶泉寺碑存 金石攷 至正三年

明曹月川先生祠記存 金石攷 孟化鯉撰并書

明元帝廟碑存 金石攷 張信民撰 張慎思書 以上澠池

晉宋均碑佚 水經注 馬懷橋長水 出新城西山東逕晉使持

節征南將軍宋均碑南均字文平縣人也 太始三

遊

唐元魯山墓銘

金石攷天寶十三載元結撰

唐元魯山墓碣

通志金石略在西京

金石攷建中四年

李華撰顏真卿書李陽冰篆宋鞠承之碣後題語魯山墓碣在陸渾南四里唐人以人文書篆非常稱四絕碑自五代亂離陸渾縣廢此地蔚爲林莽人跡罕至數十百年始表而出之剝裂幾斷讀之十得其三四治平元年秋虞曹王君來治南伊力訪舊本重刊後二年迺得之文安宋公家體盡脩全風烈如在卽建石於縣宇又以元次山嘗撰墓石因復刊於後

唐元魯山琴臺記

金石攷

大中八年宋整撰正書無姓名

唐李少尹墓銘 金石攷 元和七年韓愈撰

唐監察御史衛府君墓銘 金石攷 元和十年韓愈撰

宋伊川丈人墓銘 金石攷 治平元年陳繹撰宋文鑑邵堯

夫父諱德新隱居蘇門山往來洛陽自號伊川丈人銘曰

世范陽家伊川卒十月葬乙未神陰原原西南

按明道撰康節墓誌云父諱古與宋文鑑異互見陵墓門

宋石諫議大夫呂誨墓銘 司馬溫公集 熙寧四年葬伊闕

先塋

宋邵康節先生墓銘 金石攷 熙寧丁巳程明道先生撰

金嵩川創修文廟記 存 金石攷 明昌五年王世元撰

元勅賜伊川書院碑存金石攷延祐三年薛友諒撰趙孟頫

書在鶴鳴鎮不載磨損此與裕公碑刻手不工

元重修文廟記金石攷至正丙戌曹秉彝撰

元張在丞碑錄金石攷王弼撰

明伊川書院記金石攷永樂丙申劉咸撰

明重修兩程祠記存金石攷成化戊戌程敏政撰

明建紫芝先生祠碑記金石攷趙南星撰以上嵩縣

按各標題下彷彿經義攷例注曰存曰佚其諸從文集中小
採入墓銘與夫不知其存佚者則姑闕如蓋慎之也

西京碑附

通志金石略所載西京唐碑甚多今取其可攷者分

入各縣而其不可攷者無可附入併附于後

唐程公碑

陸賢書開元二十七年

唐劍南東西川鹽鐵青苗租庸等使兼殿中侍御史虢州刺

史嚴公碑

顏頊書元和中

唐啓聖宮臺勅

太子亭題

唐中書侍郎兼黃門侍郎同三品孫公碑

唐荊州都督長史孫公碑

張庭珪書

唐延州刺史贈幽州刺史太常卿孫公碑

開元二年

唐贈齊州刺史崔府君碑

崔平書太中八年

唐陳公碑

疑蕭祐書

唐左衛親府中郎贈左僕射嗣曹王碑貞元四年

唐左僕射牛公碑長慶三年

唐邕州刺史邕州經略制置等使贈右散騎常侍裴公碑鄭還

古書開成五年

唐房州刺史盧府君碑弟全嗣文並書

唐屯衛將軍東都留守盧府君碑開元中

唐太原少尹盧府君碑張文禧書貞元九年

唐歙州刺史郭府君碑開元十二年

唐散騎常侍黎公碑嗣子書太和中

唐蘄州刺史靜塞軍使張公碑

唐丞相檢校司空李公碑 太和八年

唐明威將軍田府君碑 開元二年

唐太子賓客贈尚書令王府君碑 周式書 大歷中

唐工部侍郎趙公碑 王宣書開元十年

唐秦公碑

唐贈太子少師崔公碑

唐廬州司馬劉府君碑 開元三年

唐左右衛大將軍衛尉正卿卞國公贈羽林大將軍泉公碑

彭果書開元十五年

唐左僕射太子少保陸抗三州刺史贈禮部尚書劉公碑 開元三年

唐都督隴右羣牧使贈太僕卿韋公碑

天寶十三年

唐真堂記

徐洪書

唐太子翊善鄭公碑

徐洪書大歷十三年

唐光福寺塔題名

徐現書

唐太子賓客孟簡碑

開成元年

唐左羽林軍統制普寧郡王贈太子太保陳府君碑

蕭祐書太和五年

年

唐太原尹贈工部尚書唐公碑

盧曉分書

唐工部侍郎起國公碑

開元二十一年

唐襄陽李公碑

景龍二年

唐清河崔公碑 貞元二十一年

唐太子賓客贈尚書孔府君碑

唐諫議大夫興州司馬王府君碑 天寶元年

唐諫議大夫萬州刺史口公碑 貞元中

唐檢校吏部郎中持節歙州諸軍事范陽盧府君碑 裴述書

唐如雲筠禪師碑 楊遠書

唐鄭州司馬王公碑 景龍三年

唐蕭府君碑

唐杭州刺史李公碑 郗恭書

唐懷素草書三帖

唐華夷圖

唐節度使畢公碑

庚惟蔚書
咸通六年

唐魏公碑

太和六年

唐隨州錄事叅軍狄公碑

唐王公碑

分書

唐瀛州刺史王公碑

劉安書開元二十九年

唐嘉州羅目令贈鄭州刺史郭府君碑

崔納書

唐徐武臣碑

唐搗練石記

唐韓公井記

唐洛祠志

唐鶴鶴頌

明皇御書

唐二吳論

歐陽詢書

唐封府君碑

唐三品李公碑

唐襄城令贈魏州刺史李公碑

唐左散騎常侍同三品趙郡成公碑

以上四碑
薛稷書

唐李府君碑

李邕書

唐潯陽司馬程元封

唐易州遂城縣令康正碑

唐貝州刺史裴公碑

唐陳州刺史陶公碑

唐苗大夫碑

唐太夫人京兆杜氏碑

唐觀音堂記

以上七碑
徐浩書

唐濠州刺史顏元孫碑

唐麗正殿學士殷踐猷碑

唐顏君神道碑

唐與郭英乂書

唐河南府叅軍贈秘書丞郭揆碑

唐與蔡明遠書

唐與李大夫乞米帖

唐華陰等五郡節度使馬公碑

唐與盧八帖

唐故工部尚書蜀郡長史郭福善碑

以上十碑
顏真卿書

唐檢校戶部尚書兼太子賓客高重碑

唐江西觀察使贈禮部尚書羅讓碑

唐宣武節度使太傅侍中鴈門郡王王智興碑

唐陰符經序

鄭瀚作

唐衛尉卿李有裕碑

唐檢校金部郎中贈太尉羅公碑

唐贈太尉崔植碑

唐淮南節度使崔從碑

以上入碑
柳公權書

唐彭城郡太夫人劉氏碑

唐鄭國夫人鄭氏碑

唐懷州刺史陶公碑

以上三碑
徐嶠之書

唐東京留守忠懿公李愬碑

沈傳
師書

唐統軍劉昌啟碑

唐少保趙公碑

以上二碑
歸登書

唐宣歙觀察使王質碑

唐塔記

唐東都留守令狐楚先廟記

唐邠州節度使贈右僕射史公碑

唐丞相檢校左僕射兼吏部尚書贈司空崔羣碑 以上五碑 劉禹錫書

唐著作郎贈太子太保權貞孝公碑 鄭餘慶分書

唐太常卿贈吏部尚書崔忠公碑 鄭綱書

唐贈吏部尚書李公碑

唐寧武節度使贈司徒韓充碑

唐趙公拜墓碑 以上三碑 裴潏書

唐宋州虞城縣令李府君碑

唐大智禪師碑

以上二碑
胡霽然書

唐富平縣尉韋器墓誌

吳通
微書

唐御幸流盃亭侍宴集詩

殷仲
容書

唐桂州都督長史程文英碑

唐趙公碑

以上二碑
張庭珪八分書

唐斛斯府君碑

唐御史臺精金銘

唐岷州刺史王君碑

唐工部侍郎李景伯碑

以上四碑
梁升卿八分書

唐尚書省石幢記

胡証八
分書

唐鄭英齋碑

唐大智禪師義福碑并碑陰

以上三碑史
惟則八分書

唐三絕碑

唐贈梁州都督徐秀碑

以上二碑韓
擇木八分書

唐尙書左丞暢悅碑

唐長安縣尉贈祕書監王府君碑

以上二碑韓
秀榮八分書

唐裴公碑

韓秀弼
八分書

河南府志卷之二百十一終

河南府志卷之一百十二

經籍志

東都藏書之盛周稱柱下漢美東觀至唐集賢院分爲
四庫錦軸牙籤異色以別皆聚海內書于東都不必盡
東都人作也其生于斯或久居于斯而壇著作者經白
周王孫以下史自司馬談以下子集白老子賈誼以下
皆秉河嶽之精發爲文章光于載籍者也至非東都人
而爲東都作者亦間附入不能悉載焉志經籍

經部

漢

周王孫易傳佚漢藝文志二篇儒林傳丁寬至洛陽從周

王孫受古義號周氏傳

賈誼春秋左氏傳訓故佚漢書梁太傅賈誼修春秋左氏傳

為左氏傳訓故授趙人賈公為河間獻王博士

杜子春周官注佚晁公武讀書志周官漢永平時杜子春初

能通其讀鄭眾鄭興亦嘗傳受元皆引之以叅釋異同云

大夫者興也司徒者眾也

魏

王弼周易注存隋經籍志六卷三國魏志鍾會傳弼好論

儒道辭才逸辨注易及老子為尚書郎年二十餘卒馬

端臨文獻通考陳振孫曰自漢以來言易者多溺於象占之學至弼始一切掃去暢以義理於是天下宗之餘皆廢

按弼字輔嗣山陽人墓在偃師李濂通志藝文載其書目故仍採入

王弼周易略例

存隋志一卷新舊唐書合周易注作七卷

朱彛尊經義

考邢璣曰略例者舉釋綱目之名統明文理之稱略不具

也例舉並也輔嗣以先儒注二十餘家雖小有異同而迭

相襍述推比所見特殊故作略例以辨諸家之惑錯綜文

理略錄之也項德棻曰王輔嗣周易略例明象辨位二篇

淵乎邃也邢氏稱其總一部之指歸明六爻之得失可以

經天緯地探測鬼神推辟咎悔自博士宗家藉此書渾上

矣沈琦曰輔嗣明卦明爻諸篇舉義明徹不特掃象占之
溺亦出漢經師訓詁之上

王弼周易窮微論

佚

鄭樵通志

一卷

國史志

王弼論易

卷大類略例而不及

王弼易辨

佚

中興書目

一卷

經義考

陳振孫曰世稱王輔

嗣凡為論五篇館閣書目王弼易辨

一卷論彖論象亦類

略例意即此書又言此書已亡至晉得之王羲之承詔錄

藏於秘府世莫得見

土弼論語釋疑

佚

隋志

三卷

唐志二卷

經義考

按陸氏釋文於

廢焚引弼注云公廢也又逸民注朱張字子弓荀卿以比

孔子

晉

郭象論語體略佚隋志一卷

郭象論語隱佚七錄一卷

唐

徐曠左傳義疏佚唐志六十卷

徐曠左傳音佚唐志三卷 舊唐書文遠偃師人博覽五經

尤精春秋左氏傳大業初為太學博士時人稱文遠之左氏褚徽之禮曾達之詩陸德明之易皆為一時之最文遠所講釋多立新義先儒異論多定其是非然後詰駁諸家

又出己意博而且辨聽者忘倦武德六年高祖幸國學觀
釋奠文遠時爲國子博士發春秋題諸儒設難蠡起隨方
占對皆莫能屈

劉允濟魯後春秋

佚

唐志二十卷

唐書劉允濟中宗時遷

著作佐郎采魯哀公後十二世接戰國爲魯後春秋獻之
允濟嘗曰史官善惡必書使驕王賊臣懼此權顧輕哉而
班生受金陳壽求米僕乃視之如浮雲爾

盧仝春秋摘微

通考四卷晁公武曰仝解經不用傳然旨

意甚踈韓愈謂春秋三傳束高閣獨抱遺經究終始蓋實
錄也祖無擇得之於金陵崇文總目所不載吳巖李氏曰

全治春秋不以傳害經最爲韓愈所稱今觀其書亦未能
度越諸子不知愈所稱果何等義也舊聞全解惠公仲子
曰聖辭也而此乃無之疑亦多所亡逸云

李德裕服飾圖通考三卷晁公武曰共五十五事

史證周易口訣義

佚

宋志六卷

作史文徽

通考崇文總目河南

史證撰不詳何代人其書直鈔孔氏疏以便講習故曰口
訣晁公武曰史證口訣田氏乃以爲魏鄭公撰誤也陳振
孫曰三朝史志有其書非唐則五代人也避諱作證字

宋

聶崇義三禮圖集注

存

宋志

二十卷

讀書志晁公武曰聶

崇義周世宗時被旨纂集以鄭康成阮諶等六家圖刊定
皇朝建隆二年奏之賜紫綬犀帶獎其志學實儼爲之序
有云周世宗暨今皇帝恢堯舜之典則總夏商之禮文命
崇義著此書不以近代遷改有所抑揚近古云 通考陳
振孫曰盖用舊圖本參定故題集注

劉温叟開寶通禮

通考二百卷晁公武曰開寶中詔温叟

同李助盧多遜扈蒙楊昭儉賈黃中和峴陳諤損益開元
禮爲之附益以國朝新制朱子語錄曰開寶禮全體是開
元禮但略改動五禮新儀其間有難定者皆稱御製以決
之如禱山川者只開元禮內有祖宗時有開寶通禮科學

究試默義須是念得禮熟是得禮官用此等人爲之介甫
一切罷去盡令做大義故今之禮官不問是甚人皆可做
某嘗謂朝廷須留此等專科如史科亦當有

郭忠恕古今尙書

佚

姓譜

忠恕字恕先洛陽人仕周爲周易

博士宋太宗召爲國子監主簿令刊定古今尙書

邵古周易解

存

通考五卷

讀書志

古字天叟雍之父也世

本范陽而卒于洛其學先正音文云

种放表孟子

李通志有上下

鼎

王曙周書音訓

佚

經義考十二

合

宋史王曙字晦叔東皇

子績之後世居河汾後爲河入中進士第咸平中舉賢

良方正科後以工部侍郎叅知政事進樞密使拜同中書門下平章事卒贈太保中書令謚文康

邵子

雍古周易

經義考八卷

宋志無見周易會通因革

程子全書先

生之學得之李挺之挺之得之穆伯長推其源流遠有端緒今穆李之言及其行事概可見矣而先生純一不雜汪洋浩大乃其所自得者多 **魏了翁集**衆人以易觀易而

滯於易先生以易觀心而得於心其方圓圖皇極經世諸書消息陰陽之幾貫融內外之分蓋洙泗後絕學也

邵子 雍 太子準易圖

經義考吳草廬支宮載太子準易圖

序冕以道嵩山集亦載當屬康節之作

程子顯大學定本存經義考一卷黃氏日抄黃震曰程氏

謂大學乃孔子遺書初學入德之門無如大學者然其詮

次與禮記原書不同明道以康誥曰以後釋明字新字止

字者聯于首章明德新民止至善三語之下然後及古之

欲明明德一章又然後以所謂誠其意以後節節釋之伊

川移古之欲明明德一章於前然後及康誥曰一章

程子顯中庸解存宋志一卷作中庸義讀書志明道中庸解陳

瓊得之江濤濤得之曾天隱天隱得之傅才孺云李丙所藏

程子頤易傳存通考十卷宋志傳九卷繫辭解一卷程子遺書伊川以

易傳示門人曰亦只說得七分後人更須自體究程子高

經籍志

弟尹公嘗謂易傳乃夫子自著欲知道者求于此足矣不必旁觀他書蓋謂語錄或有他人所記未必盡得先生意又言先生踐履盡一部易其作傳只是因而寫成此言尤有味易傳不看本文亦自成一書易傳明白無難看處但此是先生以天下許多道理散入六十四卦三百八十四爻之中將作易看却無意味須將來作事看卽句句字字有用處耳程先生易傳義理精字數足無一毫欠缺只是于本義不相合易本是卜筮之書程先生只說得一理

程子

頤堯典舜典解

存

宋志一卷

程子

頤

書說

存

宋志一卷

讀書志晁公武曰伊周之門人

記其師所談四本餘篇

程子頤詩說

通考二卷晁公武曰伊川門人記其師所談

之經也

程子頤春秋傳存

宋志一卷

朱子全書伊川春秋傳中間

有難理會處亦不為決然之論也

陳亮跋伊川先生之

序此書也蓋年七十有一矣四年而先生沒今其書之可

見者纔二十年世咸惜其缺也予以為不然先生嘗稱杜

預之言曰優而柔之使自得之饜而飶之使自趨之渙然

水釋怡然理順然後為得也先生於是二十年之間其義

甚精其類例博矣學者苟精考其書優柔饜飶自得于言

意之外而達之其餘則精義之功在我矣較之終日讀其全書而於我無與者其得失何如也

程子

頤

大學定本

存

宋志一卷

經義考

按伊川改本大學

自大學之道至末之有也下接子曰聽訟吾猶人也至此謂知之至也下接康誥曰克明德至止於信下接所謂誠其意者至則爲天下僂矣下接詩云瞻彼淇澳至此以沒世不忘也下接康誥曰惟命不于常至驕泰以失之下接詩云般之未喪師至亦悖而出下接生財有大道至以義爲利也

程子

頤

論語說

通考

十卷晁公武曰伊川門人記其師所

解論語也不爲文辭直以俚語記之

程子頤孟子解 宋志十四卷

通考一卷讀書志載程氏

孟子解十四卷大全集止載一卷近思錄及時本無之校之閣本又止載盡信書不如無書一章及反復通考則皆後人纂集遺書外書之有解者也

程子頤河南經說 存 宋志七卷

通考陳振孫曰繫辭說一

書一詩二春秋一論語一改定大學一程氏之學易傳爲全書餘經具此

程子頤程氏祭禮

通考一卷陳振孫曰程正叔撰首載作

主式

程子頤伊洛禮書佚通考龍川陳氏伊洛禮書補亡序曰吾

友陳君舉為余言薛季宣士隆嘗從袁道潔游道潔及事

伊川自言得伊洛禮書不及授士隆而死今不知其書在

何許伊川嘗言舊修六典已及七分及被召乃止今更一

二年可成則信有其書矣道潔之所藏近是惜其書之敗

亡不可見也因集其遺言中凡參考禮儀而是正其可行

與不可行者以為伊洛禮書補亡庶幾遺意未泯而或者

其書尙可訪也

程子頤伊洛遺禮通考陳氏序曰伊洛遺禮其可見者惟

婚與喪禮僅存其一二以附諸禮書補亡之後夫禮雖先

王末之有可以義起也補亡所集其義也苟精其則
當時之所參定者尚可考而闕裂不全之制豈必以是爲
尊哉記曰禮之所尊尊其義也存其意之可見者以惜其
不可見者而已

呂公著孝經要語

佚

經義考一卷

東都事略

呂公著字晦

叔宰相夷簡子也舉進士累官司空同平章軍國事贈太
師申國公謚正獻

邵伯溫周易辨惑

宋志一卷

尹焞論語解

通考十卷晁公武曰彥明程氏門人紹興中

自布衣召爲崇政殿說書被旨訓解多採純夫之說朱子

語錄曰論語中程先生及和靖說只於本文上添一兩字甚平淡然意味深長須當子細看要見得他意味方好或問精義中尹氏說多與二程同何也曰二程說得已明尹

氏只說出處

〔經義考〕解十卷又說一卷

尹焞孟子解

〔宋志〕十四卷

〔通考〕陳振孫曰尹彥明所著

十四卷不及上而卒

〔經義考〕趙希弁曰和靖先生尹侍

講焞所作先生乃伊川之高弟欽宗累聘不赴賜號和靖紹興初再_以崇政殿說書召既侍講筵首解論語以進繼解孟子甫及終篇而卒此本乃邢正夫刻於岳陽泮宮者

浙江採集遺書目

天一

閣寫本此書畧疏各章大義內有

臣聞之師曰者蓋崇政殿說書時所進也

劉綯春秋

通考十二卷晁公武曰劉綯質夫撰綯學于二

程伯淳嘗語人曰它人之學敏則有之未易保也斯人之

至吾無疑焉正叔亦曰游吾門者多矣而信之篤得之多

行之果守之固若子者幾希有李蔡序中興國史志綯

傳說多出於頤書而頤以為不盡本意故更為之未及竟

故莊公以後解釋多殘闕玉海作五卷

郭忠孝中庸說佚宋志一卷

郭忠孝兼山易解宋志二卷闕惟大易粹言所載存

郭忠孝四學淵源論佚宋志一卷通考陳振孫曰忠孝名

將樞密遠之子自言得先天卦變于河陽陳安民子惠其書出李挺之由是頗通象數仕為永興路提刑死於難其書散逸

郭雍傳家易說

宋志十一卷

採集遺書目此書係澹生

堂寫本經義考云已闕惟大易粹言所載者存今本首尾完足蓋朱氏所未見也雍自序言其父忠孝受業伊川先生二十餘年因述舊聞以傳於家後有隆興甲申曾伋跋

郭雍卦辭肯要

中興書目六卷

郭雍著卦辨疑

經義考三卷趙希弁曰上卷康節先生撰

著法兼山郭先生著數說下卷則辨證也兼山之子雍為

之序謝良齋諤識其後

郭雍中庸說

佚

宋志一卷

郭雍春秋說

李通志一卷

郭雍兼山遺學

通考六卷陳振孫曰河南郭雍錄其父忠

孝之遺書前三卷為易著卦次為九圖又次說春秋又次

為性說二篇末卷問答雜說忠孝父子世系出處本末

呂本中春秋集解

存

宋志十二卷

通考陳振孫曰春秋集

解十二卷呂本中撰自三傳而下集諸家之說各記其名

氏然不過陸氏及兩孫氏兩劉氏蘇氏程氏許崧老胡文

定數家而已大畧如杜諤會議而所擇頗精却無自己議

論 朱子全書 呂居仁春秋亦甚明白正如某詩傳相似
〔經義考〕趙希弁曰春秋集解三十卷東萊先生所著也長
沙陳邕和父爲之序

晁說之錄古周易 存 宋志八卷 通考作十二卷

晁說之太極傳外傳因說 通考 八卷陳振孫曰其學本康

節自言學京氏易紹聖間遇洛陽楊賢寶得康節二易圖
又從其子伯溫得其遺編始作易傳名曰商瞿傳兵火後
失之晚年復爲此書

晁說之易元星紀譜 存 焦竑國史經籍志一卷

晁說之易規 通考 陳振孫曰說之有易元星紀譜易規二

書見本集中又有傳易堂記述漢以來至本朝傳授甚詳

晁說之周易音訓 李通志一卷

晁說之堯典星日族考 有經義考一卷載嵩山集

元

姚樞等五經要語 經義考未見

明

曹端孝經述解 經義考一卷端自序略曰性有五常而仁

為首仁統萬善而孝為先蓋仁者孝所由生而孝者仁所

由行者也是故君子莫大乎盡性盡性莫大乎為仁為仁

莫大乎能孝

曹端四書詳說存李通志一卷

白良輔中庸膚見存經義考一卷

孟化鯉讀易寤言經義考三卷

孟化鯉孝經要旨經義考一卷

呂維祺孝經本義存經義考二卷

呂維祺孝經大全存經義考二十八卷

呂維祺孝經或問存經義考三卷

呂維祺孝經衍義存經義考雜祺自序曰愚既注孝經本義

已復櫛比諸家之同異出入孔傳已亡鄭說無徵唐注浮

謏邢疏繁蕪學士莫知所宗迨夫涑水指解紫陽刊謬庶

幾學者之津筏而疑非定筆他如董廣川程伊川劉屏山
范蜀公真西山陸象山鈞滄子宋景濂羅近溪諸君子亦
各有所發明而或解詮釋釋又如吳臨川董鄱陽虞長孺蔡
宏甫朱周翰孫本朱鴻諸家各有注行世然或是古非今
牽合附會乃拮據羣書成大全若干卷爲表上之會以恩
赦歸重箋訂孝經或問成尙有續著衍義圖說外傳未成

呂維禔孝經翼

經義考

一卷

附孝經
大全末

國朝

張鼎延校訂孝經大全

經義考十卷

耿介孝經易知一卷

邵煜易經理解一卷

劉潔易經便讀二卷

呂宣曾讀禮說三十六卷方婺如魯曾煜為之序

丁汝達四書淺義

續府志四卷

張步瀛易經啟蒙

續府志八卷

張星煥四書明辨二十一卷

張曜四書叅要十二卷

董色起尚書家訓八卷

裴希純易叢十二卷

戴棠禮記擇言十卷

孫枝榮周官傳十卷

春秋三傳摘句十二卷

河南府志卷之一百十三

經籍志二

史部

漢

司馬談史記
司馬遷自序太史公留滯周南子遷見父於

河洛之間太史公執遷手而泣曰余為太史而弗論載廢

天下之史文余甚懼焉遷曰小子不敏請悉論先人所次

舊聞弗敢闕
通考晁公武曰史記一百三十卷乃司馬

遷續其父談書

按周南今洛陽司馬談編次史記正在留滯周南時不傳其稿而遷續父談書為史記創為義例諸正史皆宗

之實談開之也
故取以冠史部

虞初周說 漢志九百四十三篇注初河南人武帝時以方

士侍郎隴黃車使者應劭曰其說以周書為本師古曰虞

初洛陽人即張衡西京賦小說九百本自虞初者也

桑欽水經 存通考四十卷晁公武曰桑欽成帝時人本經三

卷後魏鄴道元注史稱道元好學歷覽奇書撰注水經行

於世陳振孫曰經云汾水過河東郡永安則前漢彘縣順

帝更名故知順帝以後纂序也 國史經籍志水經三卷

郭璞注

按史志史部有地理類
併都城宮苑皆附入

晉

陸機洛陽記 存 隋志一卷

戴延之洛陽記 存 唐志一卷

楊佺期洛城圖 存 隋志一卷 晉懷州刺史楊佺期撰 國史經籍志作

洛陽

圖

洛陽宮殿簿 存 隋志一卷 唐志三卷

洛陽記 佚 隋志四卷

後魏

後魏洛陽記 存 唐志五卷

隋

隋朝移洛都記

存

國史經籍志一卷

洛陽京城圖

有

國史經籍志一卷

唐

長孫無忌貞觀實錄

存

唐書四十卷

劉知幾史通

存

通考二十卷
晁公武曰劉知幾傳長安神龍

間三為史官頗不得志乃以前代書史序其體法因習廢

置掇其得失述作曲直分內外篇著為評議條載史策之

要當時徐堅深重之云居史職者宜置坐右元宗朝詔其

家錄進上讀而善之前世史部中有史抄類而集部中有

文史類今世抄節之學不行而論說者為多故自文史類

內摘出論史者為史評附史部陳振孫曰史通者漢封司馬遷後為史通子亦兼白虎通之義也

劉知幾高宗實錄存國史經籍志三十卷

劉知幾則天實錄存國史經籍志二十卷

劉知幾中宗實錄存國史經籍志二十卷

張說明皇實錄存唐志二十卷李通志開元實錄四十卷

張說大衍歷議通考十卷陳振孫曰唐僧一行作新歷草

成而卒詔張說與歷官陳元景等次為歷術七篇略例一

篇歷議十篇新史志略見之十議者一歷本二日度三中

氣四合朔五卦候六九道七曰晷八分野九五星十日食

歷志畧取其要著于篇曰歷本曰中氣曰合朔曰卦候曰日度曰九道曰日食曰五星蓋歷議之八篇而分卦候爲二故共爲九條其沒滅盈縮晷漏中星三條則皆取之略例餘歷議曰晷分野二篇則具之天文志嘉定辛未辭科用爲序題有劉澹如者蓋得其書自詭必在選中而考官但據史文初不知此書尙存於世也以其篇次與史文不合黜之要之史官因此書以述志考官因史志以命題當以書爲本參考志之所載乃爲全著

李筌中台志

通考十卷晁公武曰唐李筌撰起殷周迄隋

唐錄輔相邪正之迹分皇王霸亂亡五類以爲鑒戒唐相

以李林甫陳希烈附皇道筮上元中自表天寶初追以綴
名云

李筮闔外春秋 通考十卷陳振孫曰唐少室山布衣李筮
換起周武王勝殷吐唐太宗擒竇建德明君良將戰爭攻
取之事天寶二年上之

杜竇大業雜記 存國史經籍志十卷

劉仁軌河洛行年記 存通考十卷晁公武曰唐劉仁軌記唐

初李密王世充事起大業十三年二月迄武德四年七月
秦王擒竇建德第九卷述大業都城第十卷載官館園囿
且云煬帝還都之詔稱務從節儉觀其宮室窮極綺麗云

又陳振孫曰唐志作二十卷

包譜河洛春秋存國史經籍志二卷記祿山史朝義事

薛圖存河南記存國史經籍志一卷記元和中平李師道事

李德裕次柳氏舊聞通考一卷晁公武曰史臣柳芳與高

力士同竄黔中爲芳言開元天寶禁中事乃論次號問高

力士李吉甫與芳子晁貞元初俱爲尙書郎嘗道力士之

說吉甫每謂其子德裕言歲祀旣久遺業不傳但記十七

事後文宗勸力士事於德裕德裕編次上之多同明皇雜

錄

李德裕兩朝獻替記

通考三卷晁公武曰德裕相文宗武

宗錄當時奏對議論

李德裕會昌伐叛記

國史經籍志一卷記相武宗破回鶻

平劉稹事

李德裕太和辨謗略

通考三卷先是唐次錄周秦迄隋忠

賢罹讒謗事德裕覽之不悅德裕以為善命令狐楚等

廣之成十卷大和中文成上之陳振孫曰李德裕以令狐

楚所著刪其繁蕪益以唐事裁成三卷集賢裴璠為之序

元和書今不存鄴書目亦止有前三卷

國史經籍志作元和辨謗錄

張謂長沙風土碑

通考一卷孫振孫曰唐潭州刺史河南

張謂撰前有碑銘後有湘中記載事跡七十件

蔣偕等文宗實錄

唐書本傳大申八年與盧耽牛叢王胤

盧告換次文宗實錄

河南東齋史目

唐志三卷

韋述兩京新記

存唐志五卷

韋機東都記

存國史經籍志二十卷

洛陽京城圖

存國史經籍志一卷

東京宮禁圖

存國史經籍志一卷

盧僛嵩山記

唐志一卷 天寶人

趙肅等周律

唐志二十五卷

征賦名其書記隋唐雜事未詳何人總六百條

王仁裕入洛記

通考一卷晁公武曰仁裕隨王衍降入洛

陽記往返塗中事

五代周

江文秉入洛私書

存國史經籍志十卷記同光至顯德事

宋

劉溫叟後唐廢帝實錄

存通考十七卷陳振孫曰張昭尹

劉溫叟撰蓋本撰周祖實錄以其歷試之跡多在漢隱帝

時故請先修隱錄因併及前代云

劉溫叟周太祖實錄

存國史經籍志三十卷

王曙唐書修問

李通志十卷

錢若水太宗實錄

存

通考八十卷晁公武曰至道三年命若

水專修不隸史局若水卽引柴成務宋度吳淑楊億爲佐

咸平元年書成上于朝起卽位止至道三年丁酉三月凡

二十年初太宗有馴犬常在乘輿側及崩犬輒不食李至

常作歌絕其事以遺若水其斷章曰白麟赤馬君勿書勸

君書此懲浮俗而若水不爲載呂端雖爲監修而未嘗泣

局書或署端名至抉其事以爲專美若水援唐朝故事若

此者甚衆世議不能奪世又傳億子娶張洎女而不終故

洎傳多醜讎嗚呼若水及億天下稱賢尙不能免於流議

如此信乎執史筆者之難也

司馬光資治通鑑

通考通鑑二百九十四卷目錄三十卷

考異三十卷晁公武曰治平中司馬光奉詔編集歷代君
臣事迹許自辟官屬借以館閣書籍在外聽以書局自隨
至元豐七年凡十七年始奏御上起戰國下終五代凡一
千三百六十二年又略舉書目年經國緯以備檢閱別爲
目錄叅考異同俾歸一途別爲考異各一編公自謂精力
盡于此書高氏緯略曰公與宋次道書某自到洛以來專
以修資治通鑑爲事於今八年儘了得晉宋齊梁陳隋六
代以來奏御唐文字尤多自前秋到今已二百餘卷至大

歷末年向後卷數又須倍此更須二年方可成温公居洛

十五年故能成此書

按温公史部數種不悉載惟載居洛所成之書

司馬光通鑑舉要歷

通考八十卷晁公武曰公惠本書浩

大故著此

張齊賢洛陽縉紳舊聞記

通考十卷陳振孫曰錄張全義

治洛事甚詳

齊賢孝和中興故事

宋志三卷

石敏求河南志

存**通考**二十卷晁公武曰敏求以韋述兩京

記為未備演之為河南長安志司馬光為之序以為考之

章其詳不啻十餘倍開編粲然如指諸掌真博物之書
呂夷簡等三朝國史存通考一百五十卷晁公武曰皇朝國
史紀十卷志六十卷列傳八十卷呂夷簡等撰初景德中
詔王旦先文元楊億等九人撰太祖太宗兩朝史至天聖
五年詔夷簡宋綬劉筠陳堯佐王舉正李淑黃鑑謝絳馮
元加入真宗朝史王曾監修會罷夷簡代八年書成計七
百餘傳比之二朝寶錄增者大半事覈文贍褒貶得宜百
世之所考信云

富弼三朝聖政錄

存

通考

一卷晁公武曰皇朝富弼上言乞

選官置局將三朝典故編成一書卽命王洙余靖孫復歐

陽修編修分別事類成九十六門陳振孫曰其書初名太平故事每事之後各釋其意

富弼青社賑濟錄

通考一卷丞相富文忠公弼青州救荒

施行文牘也

富弼奉使別錄

通考一卷陳振孫曰河南富弼使契丹歸

爲語錄以進機宜事節則具于此錄又一本有兩朝往來書附于末

呂申公掌記

存

通考一卷陳振孫曰丞相申國呂公著晦叔

撰在相位所記人材已用未用名姓及事當行已行條目

尹洙五代春秋

存

通志

二卷

讀書附志五卷

讀書志趙希弁曰河

南先生所作由梁太祖開平元年四月甲子迄於周顯德七年正月甲辰

邵伯温辨誣 通考一卷晁公武曰辨蔡下章惇邢恕誣罔宣仁欲廢哲宗立徐邸事

邵伯温褒德集 通考二卷陳振孫曰銘其父告命諡議行狀墓誌之屬

呂希哲歲時雜記 通考二卷陳振孫曰希哲正獻公公著之子 周平園序本朝承平歲久斯民安生樂業凡遇節物隨時制宜雖有古有今或雅或鄙所在不同然上而朝廷次而郡國下逮民庶驩娛熙治未嘗虛度則一也侍講

呂公當全盛時食相門之德既目擊舊禮又歷官中外四方風俗皆得周知追記于冊殆無遺者惟上元一門多至五十餘條百年積累之盛故家文獻之餘茲可推矣

宋洛陽宮室記 存 國史經籍志一卷

關良臣義陽志 通考 八卷 陳振孫曰郡守河南關良臣撰

紹熙二年也信陽軍唐申州所謂申光蔡吳元濟所據竭天下之力以取之者

歐陽修洛陽牡丹記 存 國史經籍志一卷

周師厚洛陽花木記 存 國史經籍志一卷

張珣洛陽花譜 存 國史經籍志三卷

李榕非洛陽名園記在國史經籍志一卷

明

傅梅嵩書通志傅梅字元鼎邢臺人知登封縣作嵩書十

三篇

喬縉河南郡志明史四十二卷

吳三樂鄭州志明史六卷

曹月川先生年譜一卷

張抱初先生年譜一卷

國朝

葉封嵩陽石刻記十卷 嵩山志十卷

耿介嵩陽書院志二卷

閻廷謨北河續紀 浙江採輯書目七卷本謝學淵北河紀

續加修纂自魚臺至天津北河源委疏治事宜俱載焉

呂兆琳忠節公年譜四卷

呂履恒寧鄉縣志

喬履信富平志八卷

景日珍說嵩三十二卷

景日珍中嶽廟史四卷

焦賁事嵩山志四卷

呂宣曾永興縣志五卷 靖州志十二卷

孫枝榮周南古蹟考二十一卷 河南山川志十卷

河南府志卷之一百十四

經籍志三

子部

周

老子道德經存通考二卷晁公武曰李耳撰以周平王四十

二年授關尹喜凡五千七百四十有八言八十一章言道

德之旨蓋不幸居亂世憂懼者所為之書乎不然何其求

全之甚也古之君子或知或愚或勇或怯惟其當之為貴

至于成敗生死則以為有命不用智乎其間隨其所遇而

處之以道今耳之書則不然畏明之易暗故守之以昏畏

寵之必失故不辭辱畏剛之折則致柔畏直之挫則致曲
豈非所謂求全也哉人惟有意於求全則遇事而有所不
敢爲有所不敢爲則其蔽大矣此老子所以卒列于百家
也以諸家本叅校其不同者近二百字互有得失乙者五
字注者五十五字塗者三十八字其間徽宗御注最異諸
本云天下柔弱莫過於水而攻堅強者莫之能先以其無
以易之也諸本云恬淡爲上勝而不美而美之者是樂殺
人者不可得志於天下矣吉事尙左凶事尙右偏將軍處
左上將軍處右言以喪禮處之御注作恬淡爲上故不美
也若美必樂之樂之者是樂殺人也夫樂殺人者不可得

志於天下故吉事尙左凶事尙右偏將軍處左上將軍處
右言居上則以喪禮處之其不同如此

老子陰符內丹經存 通考一卷晁公武曰題曰老子說

老子開氣法存 通考一卷晁公武曰服氣訣也

老子內觀經存 通考一卷晁公武曰述人胞胎魂魄衆神之

名當諦觀身心俾不染濁穢乃可長存云凡二十二章

葛宏十五篇 漢志陰陽家

子華子存 通考十卷晁公武曰程氏名本撰劉向校定其書

莊子稱子華子藝文志不錄觀其文辭近世依托爲之朱

子曰子華子孔子所與傾盖而語者好奇之士多喜補之

浮邱公相鶴經 存 通考 一卷 晁公武曰浮邱公傳於王子晉

後崔文學道於子晉得其文藏於嵩山之石室淮南採藥

得之乃傳於世

王詡鬼谷子 存 通考 三卷 晁公武曰鬼谷長於養性治身蘇

秦張儀師之此書即授二子者言捭闔之術凡十三章本

經持術中經三篇梁陶宏景註隋志以為尹知章注 詡一作訓

王詡周易元悟髓訣 存 李通志 一卷

王詡射覆歌 存 李通志 一卷

蘇秦三十一篇 漢志 從橫家

秦

孔叢子

存

[函史]孔鮒字子魚隱居嵩山之陽陳涉起爲楚王

聘鮒爲博士鮒以目疾辭退乃蒐輯仲尼而下子思伋子
上帛子高穿子順慎之言行列爲六卷名孔叢子

漢

賈誼新書

存

[通考]

十卷崇文總目漢賈誼傳本七十二篇劉

向刪定爲五十八篇隋唐皆九卷今別本或爲十卷晁公
武曰誼著事勢連語雜事凡五十八篇考之漢書誼之著
書未嘗散軼然與班固所載時時不同固紀云掇其切於
世者容有潤益刊削無足怪獨其說經多異義而詩尤甚
以騶虞爲天子之囿官以靈臺爲神靈之靈與毛氏殊不

同學者不可不知也

賈誼五曹官制存漢志五篇陰陽家注漢制似賈誼所條

伊尹說漢志五十一篇陰陽家

按伊尹說見漢志蓋漢人依托為之

魏

王弼老子道德經注存隋志二卷

王弼老子略論存通考一卷十有八章以迂云弼有得於老

子而無得於易注易資于老子而老子無資于易則其

淺深之効可見矣

晉

郭象莊子注

存

[隋志]三十卷目一卷

[唐志]十卷

郭象莊子音

存

[隋志]三卷

隋

元暉科錄

[隋志]七十卷

元暉等秘錄

[唐志]二百七十卷

唐

李筌注陰符經

存

[通考]一卷晁公武曰唐少室山人布衣李

筌注云陰符經者黃帝之書或曰受之廣成子或曰受之

元女或曰黃帝與風后玉女論陰陽六甲退而自著其事

陰者暗也符者合也天機暗合於事機故曰陰符朱子語

錄黃帝陰符經唐李筌爲之

李筌陰符元機

通考一卷崇文總目唐李筌撰自號少室

山達觀子筌好神仙嘗於嵩山虎口巖石壁得黃石陰符
本題云魏道士寇謙之傳諸名山筌雖略抄記而未曉其
義後入秦驪山逢老母傳授

李筌注孫子

存通考三卷晁公武曰李筌以魏武所解多誤

約歷代史依遁甲注成三卷

李筌天機子

通志一卷

元萬頃列女傳

元萬頃臣軌

元萬頃百僚新戒

元萬頃樂書 唐文藝傳 凡誤列女傳臣軌百僚新戒樂書

等九千餘篇

元結猶犴子 存 唐志 一卷 李通志作琦犴子十卷

元結元子 存 唐志 十卷

元結浪說 唐志 七篇

元結漫說 唐志 七篇

元奘心經會解 存 通考 一卷 晁公武曰唐僧元奘譯作注般

若者華言智慧波羅密多者華言到彼岸僧法藏為之疏

元奘百法論 存 通考 一卷

宋

郭忠恕佩觿存通考三卷晁公武曰取文字相類者別其從

以檢訛舛上篇論今傳記小學異同極為辨博陳振孫曰

忠恕為國子周易博士觿者所以解結也

郭忠恕汗簡 李通志八卷

種放叢書 李通志十卷

尹源唐說 宏簡錄文翰傳源嘗作唐說及叙兵十篇

邵子雍皇極經世書存通考十二卷晁公武曰堯夫隱居博

學尤精於易世謂其窮作易之本原前知來物其始學之

睡不施枕者三十年此書以元經會以運經世起於堯節

值之二十一年甲辰終於周顯德六年己未編年紀興亡
治亂之事以符其學後又有繫述叙篇其子伯溫解陳振
孫曰其學出於李之才之才受之穆修修受之种放前六
卷自帝堯至于五代天下離合治亂興廢得失雅正之迹
以天時而驗人事又四卷以陰陽剛柔窮聲音律呂以窮
萬物之數末二卷論所以爲書之意窮日月星辰飛走動
植之數以盡天地萬物之理述皇帝王霸之事以明大中
至正之道其子伯溫爲之敘系具載先天後天變卦反對
諸圖朱子曰易是卜筮之書皇極經世是推步之書又曰
康節之學其骨髓在皇極經世其花草便是詩

邵子 雍 觀物外篇 存 讀書志 邵雍沒門人記其生平之言合

二卷雖以次筆授不能無小失然足以發明成書為多故
以外篇名之或分為六卷

邵子 雍 萬物數 存 浙江採輯書目 十八卷嘉靖乙丑陳暹序

畧云康節之學俱在皇極經世而經世實用周天之數無
所謂軌與策者祝泌經世鈐其傳康節學乃云以字翻切
視何聲音配為天地卦而以掛一既濟圖視何元會運世
之下得數若干以屬何甲乙數因之以定萬物之興衰纖
微曲折推算維艱而世傳康節術應答如響意必有簡便

之術若軌策者或其遺法歟經書六千百十配元會運而

輿策與之同法其策以萬一千六百當萬物之數則出於
易繫詞是此數或爲康節所撰否則宋儒精於易者依托
耳按此書大約占斷之法有三種有見物成卦用卦斷事
無假於數則若占牡丹占西林寺之類是已有用老陽老
陰之數四因之而爲策則若答應選答家宅之類是已有
用少陽少陰之數四因之而又以少陰少陽所因之數因
之而爲軌則若占出師占鼓腹之類是已其法雖殊而其
發明易理則一也暹號暘谷元居主人

邵子

雍

大定易數

存

浙江採輯書目五卷署宋邵雍撰推測

星命之術

邵子雍漁樵問對存通考一卷晁公武曰設為問答以論陰

陽化育之端性命道德之奧云

邵伯溫皇極經世內外篇解存經義考楊時喬曰伯溫學宗

家傳篇解得父精意出處皆當

邵伯溫聞見錄存通考二十卷晁公武曰邵伯溫子文記國

朝雜事迄紹興之初序言早以其父之故親接前輩得前
言在行為多類之成書其父雍也

邵博聞見後錄存通考三十卷陳振孫曰聞見後錄三十卷

伯溫子博所作不專記事

程子顯性書存李通志一卷

原书缺页

原书缺页

程子 明道全書 有讀書志集四卷遺文九篇程純公顥字

伯淳之文也太師潞國公文彥博題其墓曰大宋明道先

生程君伯淳之墓弟頤序其所以而刻之嘉定十二年諡

曰純公法所謂中正粹精也淳祐初詔從祀于學封河南

伯此集并伊川集刻于長沙者南軒先生識其後曰右遺

文九篇新安朱熹得之玉山汪應辰者敬授教授何蘊俾

嗣刻之

程子 頤 伊川全書 有通考二十卷晁公武曰崇政殿說書程

頤正叔珣之子也少與其兄顥從汝南周茂叔學元祐初

司馬溫公薦于朝自布衣擢說書未幾罷紹聖中嘗謫涪

陵顓務讀經明道深斥詞章之學從其遊者多知名于世

程子頤雜說存通者十卷晁公武曰正叔門人雜記其師之

言

二程遺書存讀書志遺書二十五卷附錄一卷外書十二卷

李籲曰太臨謝良佐游酢蘇昞諸人記二先生語十卷劉

絢錄明道語十卷劉元承楊遵道周孚張繹唐棣鮑若雨

鄒柄暢大隱諸人錄伊川語十三卷附錄則明道行狀劉

立之朱光庭邢恕范祖禹敘述游酢書行狀後呂大臨哀

詞明道墓表伊川年譜張繹祭文胡安國奏狀外書則拾

遺也朱光庭錄二卷陳淵本程氏學馮氏本羅氏本胡氏

四象生八卦則四象爲太極推而至于六十四卦生之者皆太極焉蓋孔子而後論太極者皆以氣言老子道生一而後乃生二莊子師之曰道在太極之先列子渾論之微周子啟千載不傳之秘則孰知太極之理而非氣也哉

曹端夜行燭 存 浙江採輯書目一卷十五篇謂人處流俗中

如夜行視此則燭引之於前矣有萬歷癸卯李汝華跋

曹端理學要覽 存 明史二卷

曹端月川語錄 存 明史一卷

曹端尤文語錄 存 明史二卷

曹端家訓輯略 存 李通志一卷

尤時熙擬學小記存浙江採輯書目八卷時熙師事劉晴川

晴川言事下獄時書所疑于獄中質之書大指以道理於

發見處始可見白沙靜中端倪爲非旁及象緯五行分經

疑格訓通解質疑襍著記問凡六門

趙迎範圍數存浙江採輯書目二卷明工部主事趙迎撰與

易冒等書同類有嘉靖壬辰自序云會粹術數家言刪煩

正訛別之以類前圖式門次起例門又次源流格類等門

凡分門十五可以依經考斷應驗如神

呂維祺存古約言存浙江採輯書目六卷凡十三篇酌取家

禮以下諸書爲條例注釋而以箴誡格言附焉維祺在南

都立豐芒大社歸又立伊洛社修復孟雲浦講會中州學者多從之

呂維成字韻同文日月燈三十卷存韻約二十五卷存

呂維祐切韻正指一卷佚

呂維禎經書音義一卷佚

國朝

耿介中州道學編 浙江採輯書目二卷耿少詹撰自宋程

子迄近時陳榕止並有補編

耿介理學要旨四卷

景日珍膏厓學凡六卷

景日珍嵩厓尊生書十九卷

姚爾申日知錄

孫雲霞六書秦餘

呂復恒字學晰疑一卷

呂濃會詩經叶音二卷 韻可二十四卷 力園談醫一卷

呂宣曾古宮室名制考一卷 古冠裳圖考一卷 古鄉飲

圖考一卷 讀禮說三十六卷 獮民兩便案畧一卷

呂公溥宗祠祭規一卷

董一鶴從事錄二卷

河南府志卷之一百十四終

河南府志卷之一百十五

經籍志四

集部

漢

賈誼集 存 唐書二卷 國史經籍志四卷

賈誼賦 漢志七篇

鎬華賦 漢志九篇

雒陽歌詩 漢志四篇

河南周歌詩 漢志七篇

河南周歌聲曲折 漢志七篇

潘訪集 存 隋志 二卷

三國

郤正詩賦 存 蜀志本傳正所著詩論賦之屬垂百篇 國史經籍志集

卷一

晉

潘岳集 存 國史經籍志 十卷

郭象集 存 隋志 二卷 唐書國史經籍志併五卷

潘尼集 存 隋志 十卷

嵇含集 存 國史經籍志 十卷

後魏

國史經籍志四十卷

唐

呂向等文選注存唐書文藝傳向嘗以李善釋文選為繁醜

與呂延濟劉良李銑周翰等更為詁解時號五臣注

劉允濟集存唐志二十卷

元希聲集存唐志十卷全唐詩傳三十卷

杜審言集存唐志十卷

富嘉謨集存唐志十卷

吳少微集存唐志十卷

張說集存唐志三十卷通考晁公武曰燕國公說為文精

尚存府志
卷之三十五
經籍志四

壯長於碑志朝廷大述作多出其手嘗典集賢圖書之任
論撰國史晚謫岳州詩益愴惋人謂得江山助陳振孫曰
說與蘇頲號燕許大手筆

張說燕公外集存國史經籍志一卷

張說洪厓先生傳存李通志一卷

張說梁四公記存李通志一卷

孫逖集存唐志二十卷

張均集存唐志二十卷

賈至集存通考十卷晁公武曰至知制誥從駕幸西川當撰

傳位冊既進藁上曰先天誥命乃父爲之今茲冊命爾又

爲之兩朝大典出卿父子可謂繼美矣大歷中經散騎常侍集李邯鄲淑家本蘇弁編次常仲孺爲之序以墓銘序碑列于後今亡其半矣蘇子瞻嘗行呂惠卿賁詞有元兇在位之語仇人乃曰世惟宋太子劬謂之元兇因誣其指斥殊不知曹子建詩有曰元兇是率至集制誥中有除魏仲犀徐歸道詞亦以元兇指祿山是豈獨劬爲元兇耶世多疑子瞻失詞因表出之陳振孫曰唐志集二十卷別集十五卷李淑書目云至集有三本又有十卷者有序今本無序仲興館閣本亦同

杜甫集

存

唐志六十卷又小集六卷樊晃集

通考杜工部

集二十卷集外詩一卷註杜詩二十卷蔡興宗編杜詩二十卷趙次公註杜詩二十卷晁公武曰唐杜甫子美審言之孫元宗朝獻太清宮享廟郊奏賦三篇使待制集賢院宰相試文再遷左衛率府曹終於劍南叅謀檢校工部員外少與李白齊名時號李杜數當寇亂挺節無汙爲歌詩傷時撓弱情不忘君人憐其忠集有王洙原叔王琪君玉序本朝自原叔以後學者喜觀甫詩世有爲之註者數家率皆鄙淺可笑有托原叔名者其實非也呂微仲在成都時嘗譜其年月近時有蔡興宗者再用年月編次之而趙次公者又以古律詩雜次第之且爲之註兩人頗以意改

定其誤字云陳振孫曰蜀人郭知達集九家注世有稱東坡杜詩故事者隨事造文一一牽合而皆不言其所自出且其辭氣首末出一口蓋妄人依托以欺亂流俗者書坊輒勦入集注中殊敗人意此本獨削去之最爲善本朱子語錄曰杜詩初年甚精細晚年橫逸不可當只意到處便押一箇韻如自秦州入蜀諸詩分明如畫乃其少作也多說杜子美夔州詩好此不可曉夔州詩却說得鄭重煩絮不如他中前有一節詩魯直一時固有所見今人只見魯直說好便却說好如矮人看場耳杜詩最多誤字本中正異固好而未盡其嘗欲廢之作杜詩攷異竟未暇也如

風吹蒼江樹雨灑石壁來樹字無意思當作去字無疑去
字對來字又如蜀有漏天以其西北陰盛常雨如天之漏
也故杜詩云鼓角漏天東後人不曉其意遂改漏字爲滿
字似此類極多

元結篋中集存唐志一卷

元結詩章集存唐志四卷

元結文編存唐志十卷 浙江採輯書目元次山集十二卷

與唐志不合公武稱其辭義幽約譬古鐘磬不諧于俚耳
而可尋玩在當時名出蕭李下至韓愈稱唐之文人獨及

結云

元結拾遺存國史經籍志一卷

孟雲卿集存宏簡錄文翰傳雲卿詩當時古調無能出其右

者高仲武爲著格律門論及譜二篇以攝其體貌

于休烈集存唐志十卷

獨孤及毗陵集存唐志二十卷讀書志及洛陽人天寶十

三年舉洞曉元經科代宗初爲太常博士舒濠二州刺史

政最徒常州卒于官及幼有成人之量徧覽五經觀其大

義而非章句學爲文以立憲誠世褒賢遏惡爲用長於議

論唐實錄稱韓愈師其爲文云集門人有李舟梁肅前後

序末載崔祐甫碑誌

竇叔向集 存 唐志七卷 通考 陳振孫曰包何為序羣庠牟

鞏皆其子也

武元衡臨淮集 存 通考二卷晁公武曰元衡工五言詩好事

者傳之被於管絃嘗夏夜作詩曰夜久喧暫息池臺惟月

明無因駐清景日出事還生翌日遇害舊有臨淮集七卷

此其二也議者謂唐世工詩宦達者惟高適宦達詩工者

惟元衡陳振孫曰初用莆田李氏本傳錄後以石林氏本

校益六首及李吉甫唱酬六首川本作二卷 唐志十卷

武儒衡集 存 唐志二十五卷

武儒衡制集 唐志二十卷

全唐詩傳一卷

盧仝玉川子集存通考一卷晁公武曰仝隱少室山號玉川子徵諫議不起唐史稱韓愈為河南令愛其詩厚禮之嘗作月蝕詩以譏元和逆黨愈稱其工按其詩云元和庚寅盖五年也憲宗遇弒在十年後十歲也豈追憶庚寅歲事為詩乎不然則史誣也後死于甘露之禍陳振孫曰凡三卷其詩古怪而女兒曲小婦吟有所思諸篇輒嫵媚豔冶其第三卷號集外詩凡十卷慶歷中有韓盈者為之序川本止前二卷

祖詠詩

存唐志一卷

李通志駕部詩十卷

韋應物詩集存唐志十卷

梁肅集存唐志二十卷

劉方平詩存唐志一卷

孫季良正聲詩集宏簡錄儒學傳三卷

劉禹錫集存讀書志三十卷外集十卷貞元九年進士登博

學宏詞科貶朗州司馬元和十年召還欲任以南省郎作

元都觀看花詩譏忿當路出爲播州刺史裴度以母老爲

請得易連州入爲主客郎中復作游元都詩詆權近俄分

司東都遷賓客會昌時加檢校禮部尙書卒禹錫少工文

章恃才而廢老年寡所合乃以文章自適素善詩晚節尤

精白居易推爲詩豪嘗言其詩在處應有神物護持禹錫
早與柳宗元爲文章之友稱劉柳晚與居易爲詩友號劉
白雖詩文似少不及然能抗衡二人間信奇才也

白居易六帖

存

通考三十卷晁公武曰以天地事物分門類

爲聲偶而不載所出書曾祖父秘閣公爲之注行于世世
傳居易作六帖以陶家缺數千各題名曰置齋中命諸生
采集其事類投缺內倒取之抄錄成書故所記時代多無
次序云陳振孫曰唐志作白氏經史事類一名六帖程氏
演繁露曰白樂天取凡書精語可備詞賦制文采用者各
以門目類粹而總其書爲六帖旣不自釋所以名後人亦

無辨偶閱唐制其時取士凡六科別其所試條件每一事
名一帖其多者明經試至十帖而說文極於六帖白之書
爲應科第設則以帖爲名其取此矣又曰唐制開元神舉
行課試之法帖經者以所習經掩其兩端中間惟開一行
裁紙爲帖凡帖三字視時增損可否不一或得四得五得
六者爲通六帖之名所由起取中帙之多者以名其書期
必申選也

白居易長慶集存通考七十一卷晁公武曰居易於文章精

切然最工詩初頗以規諷得失及其多更下偶俗好當時
士人爭傳雜林國賈相率篇易一金與元微之唱酬故號

元白與劉禹錫齊名號劉白在杭州自類詩藁分讖論閑
適感傷雜律四類前集五十卷有元稹序後集二十卷自
爲序紀又有續後集五卷今亡三卷予嘗謂樂天進退以
義風流高矣與劉禹錫遊人謂之劉白而不陷入司馬黨
中與元稹遊人謂之元白而不陷北司黨中又與楊虞卿
爲姻家而不陷牛李黨中嗚呼叔世有如斯之彷彿者乎
獨集後載李崖州貶二絕句其言淺俗似幸其禍敗者余
固疑非樂天之語及以編年書考之崖州貶時樂天歿將
踰年或曰浮圖某作也陳振孫曰長慶集五十卷元微之
爲之序後集二十卷自爲序今又續後集五卷自爲記前

後七十五卷時會昌五年也墓誌乃云集前後七十卷當時預爲誌時未有續後集今本七十一卷蘇本蜀本編次亦不同又有外集一卷往往皆非樂天自記之舊矣年譜維楊李璜德邵所作吳郡守李伯珍諫議刻之余嘗病其疎畧牴牾且號爲年譜而不繫年乃別爲新譜刊附集首白居易金鍼詩格 **通考**三卷晁公武曰居易自謂與劉禹錫元稹皆以詩知名撮詩之體要爲一格病得鍼而愈詩亦猶是也故曰金鍼集

元稹長慶集

存

唐志

一百卷又小集十卷

通考六十卷晁

公武曰元和初舉制科對策第一拜左拾遺在江陵與崔

潭峻善潭峻以稹歌詩奏御穆宗賞悅除祠部郎中知制誥未幾入翰林爲中書舍人承旨學士長慶二年拜同中書門下平章事稹爲文長於詩與白居易齊名號元和體往往播樂府穆宗在東宮如嬪近習皆誦之宮中呼元才子及知制誥變詔書體務純厚明切盛傳一時有長慶集百卷今亡其四十卷又有外集一卷詩五十二篇皆宮體也

元稹類集 舊唐書本傳稹著古今刑政書三百卷號類集

元白繼和集 唐書一卷 元稹白居易

獨孤郁集 存 國史經籍志一卷

後唐

李雄鼎國詩

通考三卷 晁公武曰雄鞏人同光中遊金陵

成都鄴下各為詠古詩二十章以三國鼎峙故曰鼎國

宋

安德裕文集

宏簡錄本傳四十卷

李九齡集

通考一卷 陳振孫曰乾德二年進士第三人

种放集

存 國史經籍志十卷

种放小集

存 李通志二卷

吕蒙正集

存 國史經籍志十卷

錢惟演伊川集

存 通考三卷 惟演文集甚多此其河蘭時所

作全集未見

富弼文集

存

國史經籍志二十七卷

李通志八十卷

通考劄子集

十六卷奏議十二卷晁公武曰文忠爲文章辯而不華質而不俚晁以道爲序畧曰人孰不仰公使虜之功上乃拜公樞密副使而公力辭至和末請立皇嗣之功人或未聞公於褒進司徒則一命而不避公聞人語及北事便變色若不欲聞者至青州救災之功平居喜爲人道之石介嘗以夔契方公矣而嚴事王沂公薦士後至將相者多矣而最喜劉槩數事皆世所罕知者又曰公於仁宗時言猶雨露也英宗時言猶海潮也神宗時言猶鳳鳴也

富弼天聖應詔集存李通志十一卷

富弼諫垣集存李通志三卷

富弼制草存李通志五卷

富弼表章存李通志三十卷

范仲淹集存通考二十卷別集四卷文正為學明經術跂慕

古人事業慨然有康濟之志作文章尤以傳道為任事母

至孝姑蘇之范皆疎屬置義莊以賜給之天下想聞其風

采賢士大夫以不獲登門為耻

范仲淹奏議存通考二卷

呂夷簡集存通考五卷陳振孫曰文靖不以文鳴而其詩清

潤和雅未易及也

呂夷簡天聖編敕存李通志十二卷

呂夷簡試策存李通志一卷

尹源集存國史經籍志六卷

尹洙集存宋志二十七卷附錄一卷晁志二十卷敏求作二十七卷

讀書

志師魯內剛而外和與人言必辨其是非如前世治亂沿革之變靡不該博人有疑不能通為指畫講說皆釋然自得尤長於春秋文章自唐末卑弱柳開始為古文天聖初與穆修大振起之王士正漁洋文畧尹師魯為古文在歐陽子前予從千頃堂抄得藏本二十四卷詩一卷餘皆

雜文前有范希文序蓋北宋人文章之傳於今日猶得見其全如此集者塵矣惜寫本多魚豕之謬恨不得別本讐對之 汪琬鈍翁類稿尹師魯集跋歐陽公誌尹墓論其文曰簡而有法又曰在孔子六經惟春秋可當其推重如此按湘山野錄錢思公鎮洛剏一驛館命寮屬各作一文成謝希深與歐公皆五百字內外惟師魯止用三百八十餘字語簡事脩典重有法歐公媿服遂載酒就之通夕講論師魯曰大抵文字忌格弱字冗諸君文格雖高少不至者此耳歐公奮然持此說別作一記更減師魯文廿字而尤完粹師魯謂人曰歐九真一日千里也然則翼時誌

墓之言良爲此耳

尹洙書判

通考陳振孫曰尹洙天聖二年進士後以安德

軍推試書判拔萃科中之前十道是程文餘當爲擬卷本

朝惟余安道亦中是科集中有判詞二卷文鑑亦載一二

尹洙皇雅存淡生堂書目一卷

邵子雍擊壤集 宋志二十卷 浙江採輯書目有治平丙

午自序元祐六年門人邢恕後序其書爲明畢亨校刊

范純仁集存國史經籍志二十卷

呂公著集存國史經籍志二十卷

陸經寓山集存通考十二卷周平園序略曰公與歐陽文忠

公周旋館閣詩文往復相與至厚惜仕不偶陷於朋黨屢起屢仆晚遇裕陵方嚮於用則已晚矣公當古文復興時文忠實與爲友其出倅宿州送以詩曰子履自少聲名馳落筆文章天下知開懷吐胸不自疑世路迥窄多乖機鬢毛零落風霜摧十年江湖千首詩爲文忠所稱道如此

陸經祖宗獨斷 李通志一卷

王曙文康集 天一閣書目十卷

朱光庭奏議 通考十卷晁公武曰光庭元祐中爲諫官時

所論事也

尹焞和靖集 存 浙江採輯書目十卷洛陽尹焞子漸之孫從

伊川學舉進士策問欲誅元祐黨籍不對而出靖康中賜號和靖處士

朱敦儒巖壑老人詩文

通考一卷陳振孫曰初以遺逸召

用嘗為館職既挂冠秦檜之孫墳欲學為詩起希真為鴻臚少卿將使教之

朱敦儒樵歌

李通志一卷

李處權松庵集

陳與義簡齋集

存

浙江採輯書目十五卷

明

曹端月川集十卷

劉健集

薛蕙日錄

明史五卷

薛蕙考功集

明史十卷

陳惟芝乞停礦稅疏圖

明史一卷

閻禹錫自信集

尤時熙西川文集

董堯封集

謝江岷陽集

明史八卷

孟化鯉文集

明史八卷

王邦瑞文集

明史二十卷

溫新七谷詩集 浙江採輯書目二卷王事洛陽溫新撰與

弟秀俱以詩名學七子流派者

溫秀中谷詩集 浙江採輯書目二卷襄陽府同知洛陽溫

秀撰嘉靖間秀子合其兄新集並列之題曰二溫集有李

應元後序

王邦才幽居集 李蛟正層城集

呂維祺節孝義忠集 明史四卷

呂維祺明德文集 明史二十卷 浙江採輯書目二十六

卷魏忠賢毀天下書院維祺立芝泉講舍祀伊洛七賢從

父避賊留洛陽立伊洛會及門二百餘人著孝經本義洛

陽陷被執不屈死 國朝康熙初子兆璜編刻集後有全

城記附

少林古今錄二卷明知縣劉思溫輯唐宋元明題詠

分詩類
記類二門

國朝

王鑑大愚集十卷

耿介棄餘文章一卷

敬恕堂文稿十卷

葉封嵩山詩集四卷

冉覲祖嵩吟一卷

呂兆琳鏡虫集二卷

李來章嵩遊草二卷

傅應星感言集一卷

傅而師枕煙亭詩八卷

王無咎峭嶸山詩集一卷

王無回瑞芝園詩一卷

呂賁恒鄂渚小吟一卷

呂履恒冶古堂文集五卷 夢月巖詩集二十卷 嚶鳴集

呂謙恒青要山房文集一卷 青要山房詩集十三卷 浙

江採輯書目十二卷 謙恒嘗讀書邑之青要山因以名集

題沈德潛云光祿詩與難兄元素並名司農以古朴勝光祿

以烹鍊勝

呂復恒清壑亭詩集一卷

張雄圖慕堂集

姚爾申芸牕草一卷 潛陽問答一卷 嵩談錄一卷

焦欽寵樗林集

高一麟矩菴集

孫雲霞文集

楊淑蔭餘餘集一卷

孫汝工東園詩集四卷

呂擢曾橫山詩草一卷 白燕詩集一卷 使黔草一卷

呂憲會舒亭詩草一卷

呂澹曾力園文稿一卷 力園詩草十卷 力園詩草二集

二卷

呂宣曾栢崑詩草十二卷 栢崑文稿五卷

呂循曾鷺菴詩草一卷

呂守會松坪詩草十四卷

呂仰曾立亭詩草二卷 向山擬古一卷 向山摘句一卷

呂祖高半山園詩草一卷

呂衍高藏山集二卷

呂肅高南村詩草一卷

呂公遷見山亭集一卷

呂公澤拙堂合集一卷

呂公路介亭詩草一卷

孫萬書白松詩集一卷

裴希純負黍山人詩集八卷
文集六卷

喬履信寧遠堂詩草一卷

呂公溥寸田詩稿四卷

祥異志

五氣之運應人事而休咎徵焉孔子作春秋多書之所
以昭天人感應之故垂炯戒也左氏傳又加詳漢儒劉
向京房之徒皆考信于易書孟堅五行志言之深切著
明矣其祥異見于載籍者又何可沒耶第前志多徵引
無據或不關體要茲悉本諸史之脗合于經者志祥異
上古

伏羲德洽上下天應以鳥獸文章地應以河圖洛書乃則象

而作易

禮含文嘉

天老告黃帝曰河有龍圖洛有龜書帝遊翠

媯之川有大魚出魚沒而圖見挺佐輔河以通乾出天苞洛

以流坤吐地符河龍圖發洛龜書感王者沉禮焉春秋說題辭

伏羲三十二易草木草生月雨降日河洗時龍馬負圖始

畫卦也三墳書至德之世河出丹書洛出綠圖淮南子河神故

出圖洛靈故出書論衡按志負圖河在孟津縣西五里

黃帝出遊洛水之上見大魚殺五能牲以醮之天乃甚雨七

日七夜魚流於海始得圖書今河圖帝視萌篇是也帝王世紀

按水經注在偃師縣伊洛合流處黃帝巡洛龜書赤文成字象軒尚書中侯黃

帝坐元滬閣鳳凰銜書致帝前其中得五始之文春秋緯倉

顓為帝南巡登陽虛之山臨于元滬洛汭之水靈龜負書

丹甲書文以授之

字臺春秋元命苞稱倉頡造字天雨粟

鬼夜哭龍乃潛藏

陶唐氏

堯率羣臣東沉璧於洛退至於下稷赤光起靈龜負書出赤

文成字

尙書中侯按宋均曰稷讀爲則釋史直作下景

有虞氏

舜時黃龍從洛水出鱗甲成字舜與羣臣臨觀黃龍五彩諧

舜前

符瑞圖

帝習堯祀沉書於日稷赤光起元龜負書至於

稷下榮光休至

水經注

夏后氏

禹觀於濁河而授綠字尚書中侯禹治水時神龜負支列于背有

數自一至九禹遂因而第之以成九疇孔安國書傳惟十有三

祀王訪于箕子箕子乃言曰我聞在昔鯀陞洪水汨陳其

五行帝乃震怒鯀則殛死禹乃嗣興天乃錫禹洪範九疇

彝倫攸敘書洪範按水經注復載黃帝東巡河過洛修

舜升于首山而導河渚有五老遊焉相謂河圖將來告

帝期知我者重瞳也五老乃翻為流星而升于昴合而

觀之是依古河洛圖書不一出也而見于經者惟邵子

所傳一六北二七南三八東四九西五十中之河圖戴

九履一左三右七二四為肩六八為足之洛書其真理

數之原文字之祖與然皆中天符瑞劉牧雖以河圖為

洛書洛書為河圖豈

能易邵子之旨哉

后癸時伊洛竭而夏亡

國語按韋昭曰禹都陽城伊洛所近也

商

湯在亳東觀於洛降三分壁黃龍雙躍出濟於壇化為黑玉

赤文勒曰元精天乙受神福伐桀克之三年天下悉合尚書

中有神牽白狼啣鈎入朝者乃東觀沉璧於洛獲黃魚黑

王之瑞始受命稱王帝王世紀二十有一祀大旱發莊山之金

鑄幣賑民綱目前編二十有四祀大旱禱于桑林以六事自責

雨綱目前編時大旱七年雒圻川竭煎沙爛石於是使人持三

足謁祝山川說苑

帝太戊立伊陟為相有祥桑穀共立于朝一莫大拱帝太戊

懼問伊陟伊陟曰臣聞妖不勝德帝之政其有關與帝其

修德而祥桑枯死史記

帝武丁祭成湯明日有飛雉登隅耳而响武丁懼祖己曰王

勿憂先修政事武丁修政行德天下咸驩殷道復興史記

孔甲田於東陽蕢山大風晦育孔甲迷惑呂氏春秋

周

武王伐紂渡於孟津陽侯之波逆流而擊疾風晦冥人馬不

相見武王填目而撝之曰余任天下誰敢害吾意者於是

風濟而波罷淮南子夜濟河時雲明如畫有大蜂狀如丹鳥

飛集王舟因以鳥畫其旗名其船曰蜂舟拾遺記渡孟津中

流白魚躍入王舟王俯取魚長三尺目下有赤文成字言

紂可伐王寫以世字魚文消燔魚以告天宋書符瑞志師尙父

為周司馬將師伐紂到孟津之上杖鉞把旄號其眾曰倉

兕倉兕者水中之獸也善覆人船因神以化漢書意渡武

王得白魚喉下文曰以予發論衡太公答文王曰望釣得玉

璜其文要曰姬受命昌來提換爾雜鈴報在齊尙出遊見

赤人自雒出授尙書曰命曰呂佐昌者子宋書符瑞志

成王七年周公與王觀于河洛沈璧禮畢王退俟至于日昧

榮光並出幕河青雲浮至青龍臨壇銜元甲之圖坐之而

去禮於洛亦如之宋書符瑞志

定王十四年成周宣榭火綱目前編按宣榭宣王之廟也

左氏曰天火日災人火曰火

宣公八年七月日有食之劉向以為楚子伐陸渾觀兵周

室之應

前漢書五行志 按宣公八年定王六年也

靈王二十二年冬十月穀洛鬪將毀王宮

國語 按通志續府志俱作襄王誤

魯昭公二十二年朔日有食之董仲舒以為宿在心天子

之象也後尹氏立王子朝天王居于狄泉三十一年十二

月朔日有食之宿又在心時京師微弱後諸侯果相率而

城周

前漢書 按昭公二十二年景王二十五年也

敬王元年王居狄泉尹氏立子朝地震

釋史八月丁酉西南宮極

震

綱目 前編

定公十五年八月朔日有食之董仲舒以為宿在

柳周室大壤

前漢書 按定公十五年敬王二十五年也

夏歷三十三年九月地震命韓魏趙爲諸侯史記

秦

始皇帝祀洛水有黑頭公從河中出呼始皇來受天之寶乃

與羣臣作歌曰洛水之中其色蒼蒼祀祭大澤倏忽南臨

洛濱醮禱色連三光古今樂錄十三年之河南正月彗星見東

方史記

漢

高祖母昭靈后名含始遊於洛池有玉雞啣珠刻曰吞此者

王含始吞之生高祖帝王世紀高后四年秋河南大水伊洛溢

沒民舍二千四百餘家漢紀

惠帝二年春雨血於宜陽五行類應七年五月先晦一日日有食

之幾盡在七星初劉向云其占重按占重者書星周分也

景帝三年正月天火燔洛陽東宮大殿城室史記

宣帝本始四年四月地震河南以東四十九郡劉向以為臣

下背畔散落不事上之象也前漢書

成帝建始四年春五月隕石于亳四綱目永始元年二月河南

郡郵亭樹生枝如人頭眉目鬚皆具但無髮耳通鑑

哀帝建平三年冬十一月關東民無故驚走持橐或擷一枚

傳相付與曰行西王母籌或被髮徒跣或夜折關踰墻或

車騎奔馳不可禁止至秋乃止綱目

身漢

光武建武三年七月雒陽大旱帝至南郊求雨即日雨後漢書劉

注六年十二月洛陽市火古今注七年六月雒水盛溢至津

城門帝自行水都尉為水所漂民溺傷稼壞廬舍古今注九

月京都地震後漢書十年雒水出造津城門後漢書注十七年雒

陽暴雨壞民廬舍傷害禾稼古今注二十二年三月京師郡

國十九蝗古今注二十三年復大蝗旱艸木盡古今注二十四

年正月霹靂火災高廟北門古今注中元元年夏洛京醴泉

湧出赤草生水涯後漢書十一月晦日有食之後漢書按

時王日也又在星紀其占重故書之

明帝永平十六年五月晦日有食之在柳十五度按柳在周分地五月

戊午猶十一月甲子也其占重十七年神雀五色翔集洛京芝草生殿

前後漢紀十八年牛疫死後漢書六月彗星出張通鑑按張周分劉歆以

為日所躔而有變則野之國失政者受之

章帝建初元年北宮火燒壽安殿延及右掖門通鑑二年夏雜

陽旱四年夏并旱古今注四年冬京都牛大疫後漢書

和帝永元二年五月旱皇太后幸雒陽寺錄囚徒即日雨本紀

六年秋京都旱時雒陽有寃囚帝幸雒陽寺理之行未還

宮澍雨降後漢書七年洛都地震通鑑八年九月京都蝗十二

月南宮宣室殿火後漢書十三年北宮盛饌門閣火後漢書

安帝永初元年十月河南新城山水蹏出突壞民田壞處水

出深三丈

後漢書

十二月河南南郡縣火燒殺百五人

古今注

年四月河南城中火焚殺二千五百七十餘人三年五月

京都大風拔南郊道梓樹九十六枚 元初二年二月京

都大風拔樹六月雒陽新城地裂二年七月緱氏地震

三年京都及郡國三十六大風拔樹 四年二月武庫火

燒兵物一百一十五種 六年六月京都郡國四十二地

震或地拆裂涌水敗壞城郭室屋壓人 建光元年京都

及郡國二十九淫雨傷稼 延光元年七月京師郡國十

三地地震 二年京都郡國三十二地震 四年冬京都大

疫以上後漢書五行志

順帝永建三年正月洛都地震通志四年河南郡縣失火燒

殺人畜通志陽嘉元年恭陵廡災及東西幕府火後漢書二

月京師旱本紀二年四月京都地震六月雒陽宣德亭地坼

八十五丈後漢書三年河南大旱五穀傷災本紀永和元年秋

七月偃師蝗十月承福殿火 二年四月京都地震 三

年二月京都地震室屋多壞壓殺人 漢安元年三月雒

陽劉漢等百九十七家為火所燒數日乃止 建康末京

師童謡曰直如弦死道邊曲如鈎反封侯以上後漢書按是時李固暴

屍道路而胡廣趙戒等盡受封侯故童謡云云

桓帝建和元年有蛇見雒京德陽殿時桓帝卽位雒陽市令

淳于翼曰蛇有鱗甲兵之象也見于省中將有椒房大臣

受甲兵之誅也其後梁冀以逆誅通志略四月京都地震童

謠曰小麦青青大麦枯誰當獲者婦與姑丈夫何在西擊

胡吏買馬君具車請為諸君鼓隴胡後漢紀按元嘉中涼州諸羌一時俱反

中國益發甲卒調發重及有秩鼓隴胡者私咽語也京都童謠曰城上烏尾畢逋

公為吏子為徒一徒死百乘車車班班入河間河間姪女

工數錢以錢為室金為堂石上慊慊春黃梁梁下有懸鼓

我欲擊之丞卿怒後漢紀按入河間迺靈帝姪女二年

五月北宮掖庭中德陽殿火時梁冀譖殺太尉杜喬通志

月京師大水 三年六月雷震憲陵寢屋 元嘉元年正

月京都大疫 二年二月京都地震京都婦女作愁眉啼

粧墮馬髻折腰步齟齒笑此近服妖也 永興二年二月

京都地震六月京都蝗光祿勳吏舍壁下夜有青氣視之

得玉鈎玦者一此青祥也鈎七寸二分商數也玦五寸四

分徵數也蓋謂人臣引決事者不肅將有禍也 建光元

年洛都及郡國二十九淫雨大傷禾稼 永壽元年六月

雒水泛溢至津陽城門漂流人物 按是年天文志云七月辰星入太微雒水溢至

津門夫太微天子廷也辰星入其水宜矣乃此云六月誤矣 二年十二月京都地震

三年六月京都蝗災 延熹元年五月京都蝗蔡邕對策

引易傳曰大作不時天降災厥咎蝗虫來 四年正月南

宮嘉德殿火二月五庫火五月原陵長壽門火是月京都

雨苞大如雞子按天文志是時書除心尾故火連作五年太學門無故自壞

襄楷以為文德將喪教化廢也四月驚馬與逸象突入宮

殿近馬禍也五月乙亥京都地震 八年二月南宮嘉德

署黃龍千秋萬歲殿皆火緱氏地裂 九年三月京都夜

有火光轉行民相驚譟其年京都長者皆著木履此服妖

也末年京都童謠曰茅田一頃中有井四方纖纖不可整

嚼復嚼今年尚可後年饒以上後漢書按茅田一頃言羣賢衆多也有井言匱窮不失

法度也不可整言奸慝太熾嚼復嚼者京師飲酒相強之詞也尚可言禁錮饒則陳寶被誅天下大壞也

靈帝建寧二年四月京都大風雨雹拔郊道樹十圍已上者

百餘枚其後晨迎東西郊逢暴風雨或發蓋百官沾濡

熹平元年四月青蛇見御坐大霖雨七十餘日 三年右

校別作中有兩樗其一株宿夕暴長長丈餘大一圍作人

狀頭目鬢須髮俱備秋洛水出 五年十月壬午御所居

殿槐樹皆六七圍自拔倒豎根在上其年省內冠狗帶綬

以為笑樂京房易傳曰君不正臣欲篡厥妖狗冠出以上後漢

書時京師賓婚皆作魁榼酒酣之後續以挽歌風俗通按魁榼喪

家之六年旱按後漢書元年六月旱五年夏旱六年又旱

樂蘇騰夢陟首陽以狀上聞天子開三府請雨使者登山升祠即降甘雨據此益可見首陽在偃蓋漢去周尚

未遠耳

光和元年南宮侍中寺雌雞欲化雄一身毛皆變

但頭冠未改蔡邕曰貌之不恭則有雞禍頭未變是將有

其事而不遂成之象也南宮平城門內屋武庫屋及外東

垣屋前後傾壞六月北宮溫明殿東庭黑如車蓋起長十

餘丈形貌似龍易傳曰蜺之比無德以色親也時司徒長

史馮巡馬生人

按風俗通乃養馬蒼頭好此馬以生子也

二年雒陽上西門外

女子生兒兩頭異肩共胸俱前向五月春大疫

以上後漢書三

年正月虎見平樂觀又見憲陵上嚙衛士

後漢紀

四年六月

雨雹大如雞子秋五色大鳥見于新城衆鳥隨之時以為

鳳凰其年雒陽男子夜龍以弓箭射北闕近射妖也 中

平元年六月雒陽男子劉倉妻生男兩頭共身 二年二

月南宮雲臺災庚戌樂城門災 三年八月中懷陵上有

萬餘雀先極悲鳴已因亂鬪相殺皆斷頭縣著樹枝枳棘

夫陵者高大之象天戒若曰諸懷爵祿而尊厚者得母還

自相害乎 四年十二月晦雨水大雷電雹其時日數出

入去地二丈餘正赤如血無光月出入地二三丈皆赤如

血亦數矣其占重 末年京都童謠曰侯非侯王非王干

乘萬騎上北邙

按中平六年史侯登躡獻帝未有爵號為中常侍數十人所執公卿皆隨其後至河

上乃

還 五年正月日色赤黃中有黑氣如飛鵲

六年二

月白虹貫日

以上後漢書

獻帝初京師童謡曰千里草何青青十日卜不得生 建安

十八年六月大水

按獻帝起居注七月大水親避正殿八月以雨不止且還殿

是時男

子之衣好為長躬而下甚短女子好為長裙而上甚短莫

嗣以為服妖是陽無下而陰無上也

以上後漢書

三國魏

武帝起建始殿伐濯龍樹而血出又徙梨亦血出

晉書五行志

文帝黃初三年禿鶯集洛陽芳林園池

三國志本紀

四年三月自

宛入洛陽宮月犯心中央大星

三國志魏志

六月大雨霖伊洛溢

至津陽城門漂數千家有鸚鵡鳥集靈芝池詩人所謂汚

澤者也 六年正月雨水水

明帝太和元年秋雷電非常至殺鳥雀 二年四月崇華殿

災時京師歌拋鈴曹子曰其奈汝曹何 四年八月大雨

霖三十餘日伊洛河溢歲以凶飢 五年三月自去冬至

此月不雨辛巳大雩以上晉書青龍元年六月洛陽宮鞠室災

書晉書二年正月京都大疫三國志魏本紀十一月京都地震從東來

隱隱有聲搖屋尾晉書景初元年春正月洛都凌霄闕始構

有鵲巢其上通志六月京都地震九月淫雨 二年廷尉府

中雌雞化為雄不鳴不將 末年有禿鶯集芳林園池王

國有大喪以上晉書

齊王正始元年有獻雞雛四翼四足者崔光上表曰漢元帝

時有雄雞生角劉向以為小臣執政之象 二年有芝生

十極殿崔光上表曰氣蒸成菌生于墟落濕穢之地不

雷生于殿堂高華之處今忽有之誠足異也夫野木生朝

野鳥入廟古人皆以為敗亡之象矣以上綱鑑 九年十一月大

風數十日發屋折樹十二月晦又甚嘉平中童謡曰白馬

素羈西南馳其誰乘者朱虎騎按朱虎楚王小字後立彪事發伏誅 四年五

月有二魚集于武庫屋上此魚孽也按王肅調邊將殆有棄甲之變

高貴鄉公甘露二年正月自去秋至此旱以上晉書

晉

武帝泰始三年三月大名山崩 七年六月大霖雨河洛伊

皆溢殺二百餘人 九年四月隕霜 咸寧元年七月郡

國螟有青虫食其禾稼八月大風折大社樹有青氣出焉

此青祥也 二年八月河南地震以上晉書 五年九月麒

麟產於河南通志 九年正月京都雨雹發屋拔樹其年司

徒府有二大蛇長十許丈居聽事平僚上而人不知數年

府中屢失小兒及猪犬之屬 太康元年四月河南雨雹

傷麥豆 四年十二月河南郡大水 五年正月二龍見

武庫井中以上晉書 按孫盛曰龍潛伏幽處非 八年三

月熒惑守心通志 七月大雨殿前地陷方五尺深數丈中有

破船 十年洛陽宮西宜秋里石生地中始高三尺如香

爐形後如僂人盤薄不可掘劉向云此白雉也四月崇賢
殿災十月含章鞠室修成堂暉章殿閣廡等俱火

惠帝永熙中狂書兩火没地哀哉秋蘭歸形街郵終為人歎

童謠曰二月末三月初荆筆楊板行詔書宮中大馬幾作

驢按兩火武帝諱蘭楊后字也被廢死墓街邨又元康元

年十二月京都地震按元康及泰安元年地震者七李固以為越陰之職專陽之政是也

年閏二月殿前六鍾皆出涕按是時賈后弑楊太后于金墉城五年四月

夜暴風城東渠波浪殺人十二月有石生于宜年里閏月

武庫火孔子履漢高斬蛇劍王莽頭及二百萬人器械一

時都盡 八年五月郊媒壇中石中破為二此木沴金也

九年洛陽城西北九里石牛在青石跌上忽鳴聲聞四十

里石季龍遣人打耳尾釘脚而季龍死六月有桑生東宮

西廂日長尺餘甲辰枯死

按班固謂野木生朝而暴長小人將暴居大臣之象

其年

洛陽南山有蚩作聲曰韓尸尸韓謚族象也婦人之飾有

五兵佩又以金銀瑋瑁之屬為斧鉞戈戟以當笄始自宮

中天下化之京洛童謠曰南風起吹白沙遙望魯國何嗟

峨千歲髑髏生齒牙

按南風賈后字也白晉行也沙門太子小字也魯賈謚國也

洛中

又謠曰獸從北來鼻頭汗龍從南來登城看水從西來河

灌灌

按數月而三王義兵起誅趙王倫成都王在鄴故曰北齊王在許故曰南河間王在關中故曰西

又

河南杜錫家葬而婢誤不得出後十年祔葬開塚而婢尚

生自謂再宿耳其年猶十五六也嫁有子太安中童謡曰
五馬游渡江一馬化爲龍後五王至江東元帝立 永興
二年十月雷震

懷帝永嘉元年三月洛陽東北步廣里地陷有蒼白二色鵝

出蒼者冲天白者不能飛

按孝廉董養曰步廣周之狄泉盟會地也白者金色國之行也

嗣後劉元海石勒相繼爲亂

三年五月大旱河洛皆可涉 四年五

月大蝗草木牛馬毛皆盡十一月晝昏至庚子 六年二

月神馬鳴南城門其年士大夫競服生箋单衣此總衰服

也

愍帝建興元年狗與猪交

按兵占豕北方相交必生害也

二年正月朔黑霧

著人如墨連夜五日乃止
四年六月大蝗

已上晉書五行志

成帝咸康四年四月太白晝見在柳

通志畧

南北朝

文帝元嘉十二年華林園雌鷄漸化為雄

宋書五行志

道武帝登國中河南有帛七卧於河側三月乃去

按是時起河南宮道

武頻年居之

大武帝太延四年雨土如霧于洛陽

孝文帝太和二十三年京師地震

按魏至文帝十九年遷洛此後書京師皆洛陽也

宣武帝景明三年閏月京師大風拔樹發屋吹折閭闔門闕

十二月夜雷九發聲

正始四年八月京師猪生子一頭

四耳兩身八足 永平五年秋七月京師野蚘 延昌元

年十二月京師地震東北有聲 二年春飢死者數萬口

北史魏本紀 四年三月河南八州實霜閏十月京師奈樹花

孝明帝熙平二年春京師有狐魅截人髮人相驚恐 正光

三年四月京師暴風大雨發屋拔樹八月有黑龍如狗南
走至宣陽門躍而上穿門樓下而出魏衰之徵也

孝莊帝永安三年十一月有赤氣如霧從顯揚殿西南角斜
屬步廊高一丈許連地如絳紗幔自未至戌不滅時京師
民家妻產男一頭二身四手四脚三耳又平等寺定光金
像每流汗 孝昌二年五月京師暴風吹昌平門扇壞永

寧九層橙折于時天下兵亂 宣武孝明間謠曰狐非狐

貉非貉焦梨狗子齧斷索 以上魏書靈徵志 按此帝西崩之應索謂本索髮焦梨狗子

指宇文泰俗謂之黑獺也 西魏出帝太昌元年六月穀水泛溢壞三

百餘家 靈徵志 後周宣帝大象七年有禿鶯集洛陽宮太極

殿 通志 北齊文宣帝天保八年河南十三州蝗 通志

隋

文帝開皇五年秋八月河南諸州水 隋書本紀 按自五年至仁壽三年水災凡五

見俱有賑恤

煬帝大業七年秋大水河南漂没十餘郡民相賣為奴婢 北史

隋本 十一年河南有馬生角長數寸童謠曰桃李子 鴻鵠

遶陽山宛轉花木裏莫浪語誰道許

隋書五行志 按其後李密自陽城山而

畔復屯兵苑內莫浪語密也字文化及自號許國

十二年春二月夜有二十大鳥

似鵬飛入大業殿止于御幄至明而去夏四月顯揚門灾

按五行志舊名廣陽門帝之姓名也

十三年十一月日光四散如流血

以上

北史隋本紀

末年東都長夏門外數聞鬼哭有呻吟之聲

志

按其後王世充害越王侗於洛陽

恭帝義寧三年新安產嘉禾莖長三尺穗長二尺八寸

通志

唐

高祖武德元年秋王世充隔洛水相拒密營中鼠一夕渡水

盡去占曰邑有兵

太宗貞觀元年新安大饑斗粟千錢

通志略

十一年七月黃氣

際天大雨穀洛溢入洛陽宮深四尺壤左掖門毀官寺十

九洛水漂六百餘家

唐書

高宗龍朔元年十一月洛州貓鼠同處

永隆元年九月河

南大水溺者甚衆冬東都饑

永淳元年五月東都連日

澍雨乙卯洛水溢壞天津橋及中橋漂居民千餘家 九

年七月東都大雨謠曰新禾不入箱新麥不入場迨及八

九月狗吠空垣墻

武后垂拱四年八月神都地震長壽

中東都天宮寺泥像皆流汗霹靂

中宗神龍二年二月洛陽城東七里地色如水樹木居馬歷

歷見影漸移至都月餘乃滅四月辛丑洛水壞天津橋溺
數百人冬不雨至于明年五月河南旱饑其年東都白馬
寺鉄像頭無故白落于殿外

睿宗延和元年六月河南偃師縣李材村有震電入民家地
震裂濶丈餘長十五里深不可測所裂處井厠相通或衝

塚墓柩出平地無損

按李國姓也震電威刑之象地陰類也

元宗先天元年洛陽市牛左脇有人手長一尺或牽之以乞
丐 開元三年河南水蝗 四年七月洛水溢沉舟數百
艘五年六月鞏縣大水壞城邑損居民數百家 八年夏
契丹入寇發卒宿澠池之闕門穀水上夜半山水暴至萬

餘人皆溺死六月興道坊一夕陷爲池 十年五月伊水
溢毀東都城東南隅平地深六尺 十五年八月澗穀溢
毀澗池縣 十八年六月東都瀰水溺揚楚等州租船洛
水壞天津永濟二橋及民居千餘家 二十七年改作東
都明堂訛言官取小兒埋明堂下以爲厭勝村野兒童藏
于山谷都城騷然以爲兵至遣使慰諭久乃止 二十九
年七月伊洛及支川皆溢害稼毀天津橋及東西漕上陽
宮仗舍溺千餘人

元宗天寶二年六月東都應天門觀災延燒左右延福門經
日不滅 十三年東都瀰洛溢有巨蛇高丈餘長百尺出

芒山下胡僧無畏見之曰此欲決水瀦洛城卽以天竺法

呪之數日蛇死

以上唐書五行志

有鵲巢車轍中

通志按鵲不巢木而巢地失

其所也

代宗廣德二年河南諸州大水通志大曆十年七月太白辰星

台於柳

通志

德宗貞元元年春東都河南米斗千錢死者相枕 二年五

月麥將登而霖雨米斗千錢 三年十一月夜東都地震

四年四月河南地生毛 十三年正月東都尙書省火

憲宗元和八年五月大隗出摧水流溺千餘人十月東都大

寒霜厚數寸雀鼠多死 十三年夏河南雨雹人有死者

穆宗長慶元年七月河水赤三日止

文宗開成三年河南蝗草木葉皆盡 四年河南黑虫食田

懿宗咸通二年河南不雨 三年河南饑六月東都蝗 四

年閏六月東都暴水白龍門毀定陽長夏等門漂溺居人

七月東都大水

僖宗乾符二年洛陽建春門暴雨有物墮地如羖羊不食頃

之入地中其迹月餘不滅或以為禱工也古曰當旱 四

年十月東都聖善寺火 五年洛陽人為帽皆冠軍士所

冠者又肉臣有刻木象頭暴幘頭百官效之工門如市

六年夏鴟雉集于偃師南樓及縣署

按劉向云野鳥入虛宮室將空

中和

三年新安縣吏家捕得雉養之與雞馴月餘相與鬪死

廣明元年四月東都有雲起西北大風隨之長夏門表道

古槐樹自拔者十五六宮殿鴟尾皆落雨雹大如杯鳥獸

殪于川澤

昭宗光化三年七月洛州大風拔木發屋唐末京都婦人梳

髮以兩鬢抱面狀如椎髻謂之拋家髻又世俗尚以琉璃

為釵釧以上唐書五行志按拋家流離皆播遷之兆

昭宣帝天祐元年七月河南府嘉禾生通志

五代

莊宗同光二年冬十月左熊威軍將趙暉妻一產三男子五代

史
三年七月洛水溢

通志

高祖天福四年七月西京水伊洛瀍澗皆溢壞天津橋

五代史

宋

太祖建隆元年河南諸州乏食 三年河南孟津春夏不雨

五年河南大霖雨 乾德二年河南府旱甚五月河南

諸州蝗 四年六月太白熒惑合於張 開寶元年河南

府民劉元妻產三男

以上宋史
五行志

太宗太平興國四年河南府水漲七尺壞民舍 六年七月

河南府蝗 八年六月河南府澍雨洛水漲五丈餘壞鞏

縣官署軍營民舍殆盡穀洛伊瀍四水暴漲壞京城官署

軍營寺觀祠廟民舍萬餘區溺死者以萬計又壞河清縣
豐饒務倉庫軍營民舍百餘區 九年三月甘露降西京
南太乙宮 端拱二年河南旱甚民多餓死 淳化三年
七月河南府洛水漲壞七里鎮國二橋又山水暴漲壞豐
饒官舍民廬死者二百四十人 至道二年河南縣張知
遠家芝艸生判府呂蒙正表上之潁陽縣馮延密牛生三
犢其二額有白六月河南灑澗洛三水漲壞鎮國橋

真宗大中祥符元年九月鞏縣柴務牡丹華 二年春夏河
南府旱十一月嵩岳產芝草五十本 四年七月河南府
蝗生食苗葉 七年六月河南府洛水漲 八年河南府

民宋再興妻產三男 天禧二年八月歲星熒惑合於張

三年嵩山崇福宮獲芝草一百本有重臺連理貫草者

知府馮拯以獻 五年四月河南府民田嘉禾合穗知府

王欽若以聞

以上宋史

仁宗天聖元年十一月河南府甘露降 四年六月河南府

大水 七年七月河南府嘉禾合穗 嘉祐三年十一月

河南府芝草生

神宗元豐七年永安陵下宮芝生一本十月河南府大內地

生芝草

哲宗紹聖二年十月十一月河南府地震

以上宋史

徽宗建中靖國元年二月少林寺產芝十二莖通志崇寧三年

偃師產嘉禾通志政和元年河南府秋禾大稔自雙穗至十

穗以上嘉禾無雙九月河南府野蠶成蠶二年二月河

南府新安縣蟾蜍背生芝草自是而後祥瑞日聞殆無虛

歲宣和中洛陽府畿間忽有物如人或蹲踞如犬其色正

黑不辨眉目始夜則掠小兒食之後雖白晝入人家為患

所至喧然不安謂之黑漢有力者夜執梃棒自衛亦有托

以作過者如此二歲乃息已而北征事起以上宋史五行志

金

世宗大定五年六月河南府進芝草于芝田石上

章宗泰和八年四月雨雹河南路

宣宗貞祐三年五月河南大蝗 興定四年四月大風吹河

南府署飛百餘步尸案門鑰開文牘飄散不知所在

元

世祖至元十五年十二月河水清自孟津東栢谷至汜水蓼
子谷上下八十餘里澄瑩見底數月始如故

仁宗皇慶元年四月河南孟津縣雨雹 延祐二年十月河

南地震

英宗至治元年二月河南等路饑

泰定帝泰定三年夏河南州等縣亢暘不雨 四年五月洛

縣有蝗五畝羣鳥盡食之越數日蝗又集又食之十二月
河南府蝗 致和元年六月河南德安屯虜食桑

惠宗元統二年正月朔河南雨血 六年十月河南府宜陽
縣大水溺死者甚眾 至元四年六月河南鞏縣大雨伊
洛水溢漂民居數百家 二十四年九月河南等路霖雨

害稼 二十六年六月河南府大霖雨瀝水許深四丈許

漂東關居民數百家 至正十三年十二月河南府天鼓

鳴于西北 十六年洛陽康家庄有瑞麥一莖五穗三穗

者甚眾 十九年河南之孟津新安澠池等縣皆大饑人

相食 二十年七月澠池縣大雨害稼 二十一年六月

河南鞏縣蝗食稼俱盡十一月河南孟津縣以下二百里

黃河清七日新安縣亦如之二十二年河南洛陽偃師

孟津三縣皆大旱人相食二十六年七月河南府鞏縣

大霖雨地震山崩以上元史
五行志

明

太祖洪武四年河南旱五年河南黃河竭行人可涉六

年七月河南蝗十二年四月河南一州八縣雨雹殺麥

十五年河南饑二月壬午河南河決二十四年八月

河南大水以上明史
五行志二十八年洛陽產嘉穀通志

成祖永樂二年河南旱九年七月河南疫十三年河南

水溢壞廬舍

仁宗洪熙元年河南

宣宗宣德元年七月河南嵩縣黃汝二水溢按嵩縣有小黃河九年

河南蝗蝻覆地尺許傷禾稼

英宗正統元年七月河南淫雨傷稼 七年河南蝗 八年

河南自春徂夏不雨 十一年河南連月大雨 天順六

年河南府縣多旱

代宗景泰三年河南數月不雨 六年河南府久雨傷稼

十八年河南府夏秋淫雨塌城垣漂公署壇廟民居傷人

甚多 十九年五月河南蝗

憲宗成化元年河南饑 四年河南無變 十七年河南州

縣同日地震

孝宗宏治十四年河南府饑永寧地震有聲

武宗正德十六年河南自正月不雨至于六月

世宗嘉靖二年正月河南地震 七年河南大旱 三十四

年河南地震有聲如雷 三十七年偃師有紫虫食麥以上

明史三十九年偃師伊洛泛溢生員喬性重家雌雞化為雄

四十年夏四月偃師大雨雹 四十一年偃師夏大旱

五月五日偃師雨麻子蕎麥以上通志

穆宗隆慶二年河南地震 十六年河南饑民相食 二十

二年河南大饑給事中楊明繪饑民圖以進巡按陳登雲
進饑民所食雁糞帝覽之動容

神宗萬曆二十三年九月癸巳夜永寧有火光形如屋大隕

于西北以上明史三十四年二月十四日孟津縣地震山崩通志

三十九年春河南大雨明史四十一年河南大水秋洛陽飛

蝗蔽天草木葉一空民間厠竈皆滿通志四十二年九月河

南地震 四十四年七月河南蝗

熹宗天啟二年二月河南地震 六年六月河南六縣同日

震已上明史

懷宗崇正二年洛陽延秋里草木結人馬兵戈之狀 七年

孟津產異草如龍鳳形洛陽鷄鳩至千百成羣夜宿於地

數日而絕按鷄鳩大如鴿似雌雉鼠脚無後趾岐尾羣十

一年洛陽旱蝗九月養濟院貧婦孫氏年七十餘生髭鬚

十七日卯時地震從西北起隱隱有聲已上通志十二年河南

大饑人相食嵩縣尤甚明史十三年三月洛陽地震從西北起良久

乃止六月日躔柳六度日旁有紫氣按欽天監占書王有七

月洛陽大霧木介占云大人惡洛陽旱蝗以上通志李自成陷

洛時福藩殿基下響如牛吼掘數丈見大古鼎捍之不動

仍掩焉識者謂周公定鼎郊廓埋鼎以鎮正其地也應時

而吼亦天崩地裂之兆歟洛陽志

國朝

世祖章皇帝順治三年孟津縣大有年十月嵩縣杏華 四年

嵩山產芝草 十五年七月洛陽西北境澗水溢 是年

伊洛溢無禾 十六年五月鷄鳩至 是年登封縣西北

山鳴七月洛陽孟津雨雹

聖祖仁皇帝康熙元年宜陽地震 三年八月洛陽北地震

八年五月初三日雨雹大如拳 十三年秋宜陽穀秀兩

岐 是年洛陽旱蝗無禾 十八年洛陽大旱 二十二

年夏六月登封穀秀兩岐 二十七年秋八月偃師嘉禾

生一莖三穗 三十年孟津嵩縣大旱 三十四年四月

初六日河南北地震 三十九年河南大有年以上通志五十年

九年嵩山建會善寺鑿山得石芝石龍入貢續府志六十年

河南旱饑糧停徵 六十一年河南旱饑糧停徵

世宗憲皇帝雍正四年大有年十二月初九日黃河清自陝州

至虞城綿亘千里澄清匝月 六年偃師縣民王喜妻姚

氏壽一百一歲給坊 新安縣民李培元妻王氏一產三

男給米布以上通志五年洛陽藉田嘉穀至六穗者五本雙穗

四五十本本郡署西偏庭中自生一禾七穗續府志

自帝乾隆元年嵩縣民張見龍一百四歲建坊 三年夏蝗

不入境 七年四月洛陽隕霜損麥 八年七月洛陽孟

津新安旱秋無禾停徵賑濟 九年河南大有年秋禾有

雙穗三穗多至五穗者 九年洛陽縣民任忠信妻溫氏

壽一百八歲 十年洛陽縣民趙美玉妻宋氏壽一百三

歲俱請 旌建坊 十一年偃師甄家莊民賈可信妻劉

氏一百一歲建坊 二十年六月新安大雨如注少水溢

衝決慈澗鎮居民行商多溺死 二十六年七月洛陽等

縣霪雨浹旬伊洛諸水泛濫衝塌壇廟城郭官署村庄田

禾殆盡按成災分數加賑有差錢糧分別蠲免餘緩作三

年帶征 四十三年自去秋不雨至六月河南無麥現將

四十二年二月奉

恩詔普免錢糧輪應在四十五年者移方本年免征又分別
借給籽種口糧